

文水縣志目錄

卷首

序文

原序

銜名

目錄

卷一

比例

圖考

天文志

分野

占驗

祥異

卷二

地利志

建置沿革

疆域

山川

津梁

渠堰

渠案附

古蹟

勝景

廟宇

邱墓

義墳附

物產

卷三

民俗志

戶口

民居

城內街巷

坊都

風俗

節序

市集

廟會

方言

卷四

分建志

城池

官署

學宮

書籍附

書院

義學附

城守

舊公署

官制

生儒吏役附

卷五

財賦志

地丁

起運

留支

屯田

課程

生息

米豆

倉儲

貢篚

學田

書院地
畝附

郵政

車馬

卷六

典禮志

公式

秩祀

賓興

鄉儀

坊表

卷七

武備志

文水縣志
教場 堡寨 墩堠 器械 鋪舍

卷八

選舉志

科名

制科貢
監附

職官

武弁

誥勅

補遺

武弁

卷九

人物志

孝友

忠烈

義行

仕績

文學

隱逸

寓賢

方外

卷十

列女志

后妃

賢媛

烈女

節婦

孝婦

卷十一

官政志

歷宦

宦蹟

卷十二

藝文志

卷末

志餘

文水縣志卷九

人物志

人物有傳列女有傳史例也舊志但標賢才附以篤行
任績節孝諸目舛矣今以人物爲綱而次序其行事孝
弟忠義人生大節則首孝友次忠烈匹夫爲善足勵薄
俗而挽澆風百世下聞之猶興起焉故次以義行爲上
治民功德貴傳不朽則次以任績文章華國聲價等於
連城又次以文學蟬蛻塵埃膏盲泉石肥遯不可及也
遂次以隱逸筮屐所留山川生色因次以寓賢至於二
民之學儒者弗道而清淨無爲超然自得亦非中以

下所可幾則以方外附焉志人物

孝友

隋

韓子誕親歿負土築墳居喪盡禮朝廷旌嘉及卒視其
脊骨皆毀大業末表其門閭唐貞觀中蠲其賦役

郭世雋字宏文家門雍睦七葉共居犬豕同乳烏鵲同
巢時人以爲義感之應州縣上其事上遣平昌公守
文弼詣其家勞問之治書御史柳彧巡省河北表其
門閭漢王諒爲并州總管聞而嘉嘆賜兄弟二十人

人衣各一襲

唐

武宏度士護兄子補相州司兵參軍永徽中父卒自徐州被髮徒跣趨喪所負土築塋晨夕號日一溢米素芝產廬前狸擾其旁高宗下詔褒美旌其門

李源八歲家覆俘爲奴轉側民間及史朝義敗故吏識源於洛陽者贖出之歸其宗屬代宗聞授河南府參軍遷司農主簿以父愷死賊手常悲憤不仕不娶絕酒暈惠林佛祠者愷舊墅也源依祠居闔戶日一食祠殿其先寢也每過必趨未始踐階自營墓爲終制時時偃臥埏中長慶初年八十矣御史中丞李德裕表

薦源曰賈誼稱守圉扞敵之臣死城郭封疆天寶時
士罕仗節逆羯始興委符組棄城郭者不爲恥而愷
約義同列守位自如抵刃就終臣節之光由愷始而
源天與至孝絕心祿仕五十餘年常守沈默理契深
要一辭開析百慮洗然抱此真節棄於清世臣竊爲
陛下惜之穆宗下詔曰昔益起幽陵振蕩河洛贈太
尉愷處難居首正色就死兩河聞風再固危壁殊節
卓焉到今稱之源有曾參之行巢父之操泊然無營
汜此高年夫褒忠所以勸臣節也旌孝所以激人倫

也鎮澆浮莫如尙義厚風俗莫如尊老舉是四者大

傲於時其以源守諫議大夫賜緋魚袋河南尹遣官
敦諭上道帝自遣使者持詔書袍笏賜絹二百疋
源頓首受詔謂使者伏疾年耄不堪趨拜即附表謝
辭吐哀慙一無所受尋卒徽宗時擢愷孫爲河南兵
曹參軍

明

白祥李端東都人父賁永樂間任長山知縣時有犯者
連坐當刑祥願代之臨刑神色不變上嘉其孝父子
俱免大赦天下感其恩者繪像祀之

張鳳翔賢馬都舉人天性純孝父嚴厲每承顏順志庭

訓樂受及卒號泣不已蔬食三年

李玖忠孝坊人王府典膳父早亡事母惟謹及卒廬墓三年羣盜有夜過其側者感其孝輒不敢驚御史陳九德樹扁其門

孟養氣庠生事繼母孝母嚴迫處之怡怡友愛諸弟庭無間言人稱真孝子

郭拖字子福貴信坊人性至孝其父廷詩篤於善拖承其志卹貧賑困孜孜不怠侍親側婉辭愉容親或寢疾輒夜不敢眠禱於神願以身代親歿廬墓號泣其叔廷許弟載俱無嗣而終拖破產殯之年晚無子一

夕夢神語曰爾孝德格天當錫爾嗣後生子應鰲應
秦孫鉉悉以文行並著巡撫旌之曰孝德可風郡守
旌之曰一方善士邑令旌之曰孝無間言

鄭位之僑父庠生南安都人性仁厚孝友事繼母終身
無忤色撫諸弟成立或奪牛以去怡怡自如歲試汾
州於旅館得遺金俟其人至悉還之性不喜飲鄉鄰
有違言則備卮酒爲解不解不已家僅自給親知貧
不能舉火者輒分予之雖頻數不厭也與人謙和久
而益恭蓋無不稱爲長者云

王在庭號肅所三世爲士邑之平陶都人也貧賤自守

設科爲業中年喪父哀毀幾至滅性事母李氏如嚴
父焉母年大耋微中陰陽之患卽與婦張露禱願以
身代母食少加卽喜鄉人有爭直言剖決數十年訟
獄不起有陳太卽王彥方遺風三黨不能舉火者區
處必周常拾遺服道上招其人還之本里河沙爲厲
出沒不常爲西築堤塍北鑿滌渠旱則洒田爲沛澤
水潦洩之晚年力行愈篤年七十有六卒侍讀朱之
俊爲立傳

胡誥字命之號舜宇石東都人力學嗜古髫年爲邑增

生事父母以孝聞親卒廬墓三年不見笑容又篤友

愛遇兄弟有禍難傾貲拯之無愆色且急於奉公稅

課不敢後值聖節嘗公服朝拜曰吾儕無以盡忠惟
禮拜貢賦稍明在三之節嘗獨居書室夜拒奔婦次
日即移居性好施予年八旬壯健如少年教子讀書
以古聖賢相勗每見州縣官貪骫不法者即舉以爲
戒子二仲子裕才以貢生爲別駕窮經篤學有父風
伯子全才另有傳

參議牛應徵爲立傳

王振德字惟惠號東泉父朝卿以功曹入司京庾生子
三德居仲初偕孟季學會父卒家中落從業爲賈以
薄貲往來河汾間父歿於官千里匍匐獨身扶櫬歸
諸昆季食貧苦讀不給以心計所得緩急之無間終

始人稱孝友業既起尤好施予鄉里窮交葦廬收恤
之惟恐後閭黨詬誶微言解紛傭人死買棺善瘞之
生三子委季弟課業長在沼次在固並邑諸生季在

臺別傳

明大學士葉向高
爲立傳見藝文

國朝

武紹衣馬村人國學生幼喪母十三歲時繼母以薄待
紹衣故觸父怒父欲出母泣諫乃止父歿棄舉子業
事繼母尤謹後母老病不能轉側紹衣年逾甲矣煎
藥奉膳暨一切穢瑣事必躬親不令家人代三載如

一日鄉族稱之

嚴應祥字清澹與兄同爨五十載未嘗分居子國魁孫調鼎皆魁於鄉邑人以爲厚德之報云

曹天平分產俱讓諸弟弟以賈歿於外營柩歸葬諸姪幼俱爲之成立婚娶輸助學田屍骸無主者掩埋之年八十四歲卒鄉里義而思之

王侯度歲貢生弟侯慶不壽遺孤鍾文十四歲鍾健九歲侯度撫愛無間飲食教誨比於己子二十年無倦色一以拔貢官知縣一以進士官科道可謂敦手足之誼者

張釗張鉞武度村人異母兄弟也篤於友恭至老不衰

里人欽之共隱其廬曰金友玉昆後弒以病卒釗哭
之慟數月亦卒釗子翼如有學行

忠烈

唐

李愬或言其先出興聖皇帝譜系疏晦不復傳父希倩
神龍初右臺監察御史愬少秀敏舉明經高第授成
安尉張說罷宰相爲相州刺史坐有善相者說徧問
官屬後孰當貴工指愬及臨河尉鄭巖說以女妻巖
而歸其甥陰於愬會母喪免自武功尉以政尤異遷
主簿說在并州引愬置幕府及執政爲長安尉宇文

融括天下田高選官屬多致賢以重其柄表假愷盛
察御史分道檢覈以課真拜御史坐小累下除晉陽
令三遷給事中力於治有任事稱明簿最下無敢給
失李林甫意出爲河南少尹蕭炅內倚權愷法植私
愷裁抑其謬吏下賴之道士孫甌生以左道幸託祠
事往來嵩少間干請亂吏治愷不爲應故挾炅譖諸

朝天寶初除清河太守舉美政遷廩陵長史民爲立
祠賽祝歲時不絕以捕賊負徙彭城太守封酒泉縣
侯連徙襄陽河東並兼採訪處置使人爲京兆尹楊
國忠惡之改光祿卿東京留守安祿山反元宗遣封

常清募兵東京愷與留臺御史中丞盧奕河南尹達
奚珣繕城壘緩勵士卒將遏賊西鋒帝聞擢禮部尙
書祿山渡河號令嚴密候訶不能知己陷陳留滎陽
殺張介然崔無詖不數日薄城下常清兵皆白徒戰
不勝輒北愷收殘卒數百哀斷弦折矢堅守人不堪

鬪愷約奔吾曹荷國重寄雖力不敵當死官部校皆
夜縋去愷坐留守府奔守臺城陷祿山鼓而入殺數
千人矢著闕門執愷奔及官屬蔣清害之有詔贈司
徒謚曰忠懿河洛平再贈太尉拜一子五品官愷通
左氏春秋生十餘子江涵瀛瀛等同遇害惟源彭胤

大中初詔求李峴王珪等二十七人畫像圖凌煙閣
燈與焉

明

陳三接字康侯歲進士一本孫也性孝友嗜學崇禎癸
酉舉於鄉庚辰成進士辛巳授河間令歲大饑人相
食公甫下車雨大降旋令民種晚田復設法賑濟存
活甚多有疑獄數年不決者一朝立辨闔郡頌爲神
君河間途通九省衝甚民疲於奔應公獨守正絕郊
迎凡不便於民者悉釐剔之不數月頌聲達都門壬
午冬大清兵入關人心洶洶公忠貞自矢或曰眷屬

百口宜送還公曰國而忘家人臣大義豈可計此以重負朝廷耶居止城上者數十日守禦備具與士卒同甘苦人樂爲用無何東面城破有報公者公厲聲曰賊衆者斬以示兵已至或且扶公出奔公更罵曰典守旣失焉用生爲竟斃於萬鋒之下妻武氏自縊死兵退公幼子四友甫十歲哀號走闕下遍告當事報聞朝廷贈山東按察司僉事廕一子入監讀書明史具載其事四德四象有才名食餼邑庠

郭應葵字養春孝子郭拖之子也廩監貌魁梧有膽畧

明季任湖廣鄖陽府照磨時流寇大起府中乏糧路

多阻無敢往者泰毅然直抵西安護餉二萬以歸監
司大悅遂委署竹溪縣闖賊行牌數次泰俱火之未
幾賊至破竹溪泰手格數賊投城死楚人憐其忠立
塚以祀其姪郭 著有忠烈小傳傳於世

鄭從周之僑仲子字伯恂號仲葵性和易處鄉黨恂恂
與物無忤荒年造屋代賑活人無算事親能養志闖
賊蹂躪三晉所至拷掠縉紳巨族索金帛有欲甘
者以其名昇賊僞縣令任還元遂拘從周毒以非刑
從周慷慨罵賊不屈備極諸慘見者不忍視數日竟
歿時甲申二月二十八日也子六孫十四曾孫十二

東海鞠珣
爲立傳

王希鴻字后槐下曲鎮人給事鍾健六世祖也由吏員
選福建閩縣主簿署福清知縣多有政聲民勒石紀
之致仕歸值明季亂土寇蜂起圍其居以兵劫之希
鴻罵賊不絕墜樓死之

張翼明爲闖賊所劫不屈死之

國朝

郭孕秀

員

武懋德

武舉

李敦原

武仲英

李紬

王化民

生員

以上六人俱以山寇攻城奮身拒敵陣亡

義行

元

王才德行高峻年九十餘至正十五年旌爲王民耆年
之門

姚相捐田二頃有奇爲學田平生仗義好善類如此
明

王鸞字騰霄武度都人性樸實崇禮義鄉間向化御史
陳九德表其門

李伯現忠孝坊人間里化其德御史王公憲旌爲善人
高階善治坊人德量寬厚有長者風鄉人之強暴者悉

化御史王公憲旌爲善人

蔚三德庠生善治坊武良村人尚義樂善萬曆十四年
歲大荒捐粟三百餘石以救飢民賊劫其財八百餘
金爲捕役所獲悉釋放之生平行誼類如此

國朝

陳所志明陽都人讀書勤苦早入邑庠仗義輕財每逢
節誕集諸子於階下戒曰爲子必孝爲臣必忠乃不
愧聖賢不辱祖宗爾輩其勿忘予訓後次子三接登
進士捐軀報國皆義方之教也年八十有九卒

張法祖孝義都人曾拾遺金還本人有司給扁以旌其

義

高居謙號心如忽而岐嶷嗜古篤學其天性也事親極孝愉色婉容無少忤一言一行不敢苟其自奉也常儉其燕享也必豐與人交情恕理遺無少長賢愚咸敬慕之太子寺迤西路塞行人多迂途買地畝餘通之父應桐遺逋券數千金居謙悉焚之肆力鉛槧業冬不爐暑不扇每試輒居最然數奇偃蹇場屋者三十載順治戊戌年以歲進士貢入成均康熙二年冬疾作彌留之際召諸子命之曰我家力農至我始事詩書志未護酬顯親揚名爾曹善爲之卒年五十有

八長子翀補博士弟子員次子聯癸卯亞魁三子彬

甲午武魁元配陳孺人早逝遺子翀聯彬贊繼配任

孺人生子銜喆鵬弼

邑令劉乃桂傳

王澤長平舊都人社師也父居設立義學四方就業者衆迄澤長恪遵父業訓蒙不倦執贄來者分毫不受人稱長者

田大業字位中邑增生好義勇爲一介不苟取康熙二十六年於孝義鎮北門道上拾遺襪一揣之纍纍知爲黃白物急索遺主弗得歸家置秘處詢訪益力久

之聞汾陽縣商王象賢者方以遺金故主人謂其乾

沒控縣責償大受挫辱急詣象賢詢遺金狀言悉符
乃攜金往呈諸縣封誌依然官召象賢詰之絲毫弗
爽訟者亦感愧願分半以酬大業固卻弗受官大異
之與邑宰范公書棹楔以表其閭壽七十有九卒子
二長永年廩貢次萃年貢生

田寬字粟臣監生大業四世孫好善樂施有祖風世居
邑之鄭家莊乾隆十九年夏汾文兩河交溢入村民
居淹沒殆盡惟寬宅巽方地高垣固又極宏廠遂大
招村人避患其家食之以粟粟盡出衣物浮筏易米
以濟凡四閱月水患始息被灾之戶無以爲家又竭

力賑之全活于計寡本小康因是中落後至其孫貢
生振世善居積家道復昌迄今數世方興未艾咸謂
積善之報

趙福基南張家莊人少嗜學爲貧故去而業商家漸裕
事繼母以孝聞母壽八旬餘艱步履基亦五十餘矣
恒負母出入或謂盍遣子代曰恐未能如我盡心耳
性慷慨好施樂村某貸基米未償而病亟謂其妻曰
能償此歎我死瞑矣妻識之將鬻女以償基聞急踵
門告曰我米爾夫已償勿復云某妻以夫命告曰此

亂命也復厚周之家遺逋券數百干臨終出示其子

曰我生平不作守錢虜而家資反勝於舊是知理財
貴勤不貴貪貴儉不貴吝也爾等果能自立何憂凍
餒留此徒啓爭端耳盡付之火後有詣門來償者悉
以無券卻之

陰海龍議敘營千總原籍交城縣陰家溝自其祖遷居
於邑之溫雲村善居積好施于嘉慶十六年大荒煮
粥於廟以飯餓者全活數千人

唐德中邑增生事母以孝薦於宗族其次房伯某子不
肖中奉養二十年無愆色又長房伯後遺一曾孫尚
三歲中撫育成立得延其嗣後出已資葬其曾祖以

下十八觀不以累舉從其敬宗合族之誼亦人所難也

王萬洪武度村人父汝明早卒母賀氏遺腹生萬洪事母以孝喜周貧乏里黨重之

仕績

漢

衛綰以戲車爲郎

能左右起乘也檠機轉之類按今亦有弄車之戲是也

事文帝

功次遷中郎將孝景爲太子時召上左右飲而綰稱

病不行

恐文帝謂豫有二心以事太子

文帝且崩時屬孝景曰綰長

者善遇之景帝立歲餘不譙呵綰

譙呵音誰何猶借

者言不噴責衛綰也。綰曰：謹力景帝幸上林，詔中郎將參乘還。

而問曰：君知所以得參乘乎？綰曰：臣從車士，幸得以功次遷爲中郎將，不自知也。上問曰：吾爲太子時，召

君，君不肯來，何也？對曰：死罪。竇病，上賜之劍。綰曰：先

帝賜臣劍，凡六劍，不敢奉詔。上曰：劍人之所施，易獨

至今乎？施讀曰移，言劍者人之所好，故多數移易質換之也。綰曰：具在上，使取

六劍，劍尚盛，未嘗服也。郎官有譴，常蒙其罪，不與他

將爭有功，常讓。他將上以爲廉忠實，無他腸。心腸之內無他

惡也。乃拜綰爲河間王太傅。吳楚反，詔綰爲將，將河間

兵擊吳楚有功，拜爲中尉，以軍功。六年，中封爲建陵

侯其明年上廢太子誅栗卿之屬

栗太子舅也栗氏親屬也卿其名也

上以綰爲長者不忍乃賜綰告歸而使郅都治捕栗氏旣已上立膠東王爲太子召綰拜爲太子太傅久之遷爲御史大夫五歲代桃侯舍爲丞相奏事如職天子以爲敦厚可相少主尊寵之賞賜甚多爲丞相三歲景帝崩武帝立建元中薨謚曰哀侯子信代坐酎金失侯

唐

武士彠字信世殖貲喜交結高祖嘗領屯汾晉休其家

因被顧接後留守太原引爲行軍司鐙參軍募兵旣

集以劉宏基長孫順德統之王威高君雅私謂士彥
欲劾繫宏基等士彥曰此皆唐公客若爾必有大嫌
故威等疑不發司兵參軍田德平欲勸威劾募人狀
士彥亦止之兵起從平京師爲光祿大夫累遷工部
尚書封應國公歷利荆二州都督卒贈禮部尚書謚
曰定兄士稜士逸

武士稜字彥威少柔愿力田官司農少卿宣城縣公卒
贈潭州都督陪葬獻陵

武士逸字述有戰功爲齊王府戶曹參軍六安縣公從
王守太原爲劉武周所執嘗遣間人陳破賊計賊平

擢授益州行臺左丞數言當世得失高祖嘉納之終
韶州刺史

武攸歸士彘從弟士讓孫也歷司屬少卿齊州刺史事
母孝姊亡甚不嘗五辛語輒流涕

武平一名甄以字行潁川郡王載德子也博學通春秋
工文辭武后時隱嵩山屢詔不應中宗復位平一居
母喪迫召爲起居舍人丐終制不見聽景龍二年兼
修文館直學士時天子暗柔不君韋后烝亂外戚盛
平一重斥語即自請抑母黨以全親親帝慰勲不許

遷考功員外郎於時太平安樂公主各立黨相抵毀

親貴離闕帝患之欲令敦和以訪平一因上書諫帝

美其忠切卒不用初崔日用自言明左氏春秋諸侯

官族它日學士大集日用折平一曰君文章固耐久

若言經則敗績矣時崔湜張說素知平一該習勸令

酬詰平一乃請所疑日用曰魯三桓鄭七穆奈何答

曰慶父叔牙季友桓三子也孟孫至癡凡九世叔孫

舒季孫肥凡八世鄭穆公十一子子然及二子子孔

三族亡子羽不爲卿故稱七穆子罕子駟子良子國

子游子卬子豐也一坐驚服平一問日用曰公言齊

桓公楚莊王時諸侯屬齊若楚凡幾平公靈王時諸

侯屬晉楚凡幾晉六卿齊楚執政幾何人日用謝曰
吾不知君能知乎平一條舉始末無留語日用曰吾
請北面闔坐大笑後宴兩儀殿帝命后兄光祿少卿
嬰監酒嬰滑稽敏給詔學士謝之嬰能抗數人酒酣
胡人襪子何懿等唱合生歌言淺穢因倨肆欲奪司
農少卿宋廷瑜賜魚平一上書諫不納元宗立貶蘇
州司戶參軍徙金壇令平一見寵中宗時雖宴豫嘗
因詩頌規誠然不能卓然自引去故被謫既謫而名
不衰開元末卒孫元衡儒衡別傳

希靖明經積學言動恆以禮自檢神龍初以進士拜

監察御史正色立朝直言敢諫當時咸畏其風采雖
諸武擅權亦不屈也性嚴厲教子義方蚤成大儒子
愷見忠烈

武元衡字伯蒼平一孫舉進士累爲華原令畿輔鎮軍
督將皆驕橫撓政元衡移疾去德宗欽其才召拜比
部員外郎歲內三遷至右司郎中以詳整任職擢爲
御史中丞嘗對延英帝目送之曰是具宰相器順宗
立王叔文使人誘以爲黨拒不納俄爲山陵儀仗使
監察御史劉禹錫求爲判官元衡不與叔文滋不悅
數日改太子右庶子會册皇太子元衡贊相太子識

之及卽位是爲憲宗復拜中丞進戶部侍郎元和二年拜門下侍郎同中書門下平章事兼判戶部事帝

知元衡堅正有守故愜禮信任異它相浙西李錡求入覲旣又稱疾欲賒其期帝問宰相鄭絪絪請聽之

元衡曰不可錡自請入朝旣許之而復不至是可否在錡陛下新卽位天下屬耳目若奸臣得遂其私則威令去矣帝然之遽追錡而錡計窮果反是時蜀新定高崇文爲節度不知吏治帝難其代詔元衡檢校吏部尚書兼門下侍郎同平章事爲劍南西川節度

使孫蔚伯封臨淮郡公帝御安福門慰遣之崇文

去成都盡以金帛帑幕伎樂工巧行蜀幾爲空元衡
至綏靖約束儉已寬民比三年上下完實蠻苗懷歸
雅性莊重雖淡於接物而開府極一時選八年召還
秉政李吉甫李絳數爭事帝前不叶元衡獨持正無
所違附帝稱其長者吉甫卒淮蔡用兵帝悉以機政
委之王承宗上疏請赦吳元濟使人白事中書悖慢
不恭元衡叱去承宗怨數上章誣詆未幾入朝出靖
安里第夜漏未盡賊乘暗呼曰滅燭射元衡中肩復
擊其左股徒御格鬪不勝皆駭走遂害元衡批顱骨
持去邏司傳譟盜殺宰相連十餘里達朝堂百官恟

懼未知主名少選馬逸還第中外乃審知是日仗入

紫宸門有司以聞帝震驚罷朝坐延英見宰相哀慟

爲再不食贈司徒諡曰忠愍詔金吾府縣大索或傳

言曰無撻賊賊窮必亂又投書於道曰毋急我我先

殺汝故吏卒不窮捕兵部侍郎許孟容言於帝曰國

相橫尸路隅而盜不獲爲朝廷辱帝乃下詔能得賊

者賞錢千萬授五品官與賊謀及舍賊能自言者亦

賞有不如詔族之積錢東西市以募告者於是左神

策將軍王士則左威衛將軍王士平以賊聞捕得張

晏等十八人言爲承宗所遣皆斬之逾月東都防禦

使呂元膺執淄青留邸賊門察警嘉珍自言始謀殺
元衡者會宴先發故藉之以告師道而竊其賞帝密
誅之初京師大恐城門加兵誰何其偉狀異服燕趙
言者皆驗訊乃遣公卿朝以家奴持兵阿衡宰相則
金吾鼓騎導翼每過里門搜索喧嘩因詔寅漏上二
刻乃傳黜云從父弟儒衡

武儒衡字延碩姿狀秀偉不妄言與人交終始一節宰
相鄭餘慶不事華潔門下客多垢衣敗服獨儒衡上
謁未嘗有所易以莊詞正色見重於餘慶元衡沒帝
待之益厚累遷戶部郎中知諫議大夫事俄兼知制

誥皇甫鎛以宰相領度支剝下以媚天子儒衡疏其狀鎛自訴於帝帝曰乃欲報怨邪鎛不敢對儒衡論議勁正有風節且將大用宰相令狐楚忌之會以狄兼謨爲拾遺楚自草制引武后革命事盛推仁傑功以指切儒衡且沮止之儒衡泣見上曰臣祖平一當天后時避仕終老不涉於累帝慰勉之自是薄楚爲人也遷中書舍人時元禎倚宦官知制誥儒衡鄙厭之會食瓜蠅集其上儒衡揮以扇曰適從何處來遽集於此一坐皆失色然以疾惡太分明終不至大狂

以兵部侍郎卒年五十六贈工部尚書

李彭擢明經第天寶中選名臣子可用者自咸甯丞遷
右補闕從天子入蜀後愷數年卒子孫皆至顯官盛
甲一鄉

李景讓字後已贈太尉愷孫也性方毅有守寶曆初遷
右拾遺淮南節度使王播以錢十萬市朝廷權求領

鹽鐵景讓詣延英亟論不可遂知名沈傳師觀察江

西表以自副歷中書舍人禮部侍郎商華號三州刺

史母鄭治家嚴景讓家行修治閨門唯謹入爲尚書

左丞拜天平節度使徙山南東道封酒泉縣男大中

中進御史大夫甫視事劾免侍御史孫玉汝監察御

史盧祐威肅當朝爲大夫三月蔣伸輔政景讓名素
出伸右而宣宗擇宰相盡書羣臣當選者以名內器
中禱憲宗神御前射取之而景讓名不得世謂除大
夫百日有他官相者謂之辱臺景讓愧艱不能平見
宰相自陳考深當代卽拜西川節度使以病丐致仕
或諫公廉潔亡素儲不爲諸子謀邪景讓笑曰兒曹
詎餓死乎書闈輒還東都以太子少保分司卒年七
十二贈太子太保謚曰孝性獎士類拔孤仄如李蔚
楊知退皆所推引始爲左丞蔣伸坐宴所酌酒語客

曰有孝於家忠於國者飲此客肅然景讓起卒爵伸

曰無宜於公所善蘇滌裴夷直皆爲李宗閔楊嗣後所擢故景讓在會昌時抑厭不遷宣宗銜穆宗舊怨景讓建請遷敬文武三主以猶子行爲嫌請遷代宗以下主復入廟正昭穆事下百官議不然乃罷德望稍衰矣然清素寡欲門無雜賓李琢罷浙西以同里訪之避不見及去命斲其騙石焉元和後大臣有德望者以居里顯景讓宅東都樂和里世稱清德者號樂和李公云弟景溫字德己歷諫議大夫福建觀察使徙華州刺史以美政聞累遷尙書右丞盧攜當國弟隱繇博士遷水部員外郎材下資淺人疾其冒無

敢繩景溫不許赴省時故事久廢景溫既舉職人皆
趨其正弟景莊亦至顯官

宋

牛拱辰天聖進士歷倅岢嵐定襄遷駕部員外調普慈
賜三品服進虞部郎中知房陵所至去苛細而寬約
束清心潔已未嘗爲子孫業

楊美本名光美避太宗舊名改爲美壯貌雄偉武力絕
人以豪俠自任漢乾祐中周祖征三叛美杖策詣軍
門求見周祖召與語壯之留帳下廣順初累遷禁軍
大校從世宗征淮南以功擢鐵騎都指揮使鎮白州

刺史太祖與美有舊即位以爲內殿直都知建隆三年升青州北海縣爲軍以美爲軍使爲政尙簡易民皆德之乾德二年召還北海民數百詣闕乞留詔諭之不去答爲首者始罷遷馬步軍都頭會討蜀以美爲歸州路戰擢左右廂都指揮使蜀平遷內外馬步軍副都軍頭領思州團練使開寶二年改領端州防禦使六年加都軍頭領宣州觀察使俄授虎捷左右廂都指揮使領河西軍節度會遣黨進潘美征太原命美爲行營馬軍都虞侯太平興國二年冬出爲保靜軍節度三年夏以疾求解官歸京師尋醫藥詔遣

內侍與道士馬志觀之未幾卒年四十八贈侍中命
中使護葬美爲人任氣好施凡得予賜及奉祿盡賜
給親戚故舊死之日家無餘財人多歎息之

盧政以神衛都頭從劉平與夏人戰延州敵薄西南隅
兵不得成列政引數騎挑戰發伏弩二百射卻之日
且暮政說平曰今處山間又逼污澤宜速退保後山
須明決鬪不然彼夜出乘高蹙我何以禦之平不聽
遂敗政脫身歸黃德和誣平降賊仁宗引政問狀政
言平被執非降也因自陳失主將當死帝義其言赦
之以爲供奉官德州兵馬監押預討貝州率勇敢效

百人飛環結堞而登守者莫能充大軍襲之以入遷
內殿承制南征儂智高亦有功歷奏鳳尚陽關都鈐
轄治平熙甯中爲捧日天武四廂都指揮使三衛都
虞侯副都指揮使涇原定州并代州定四路副都總
管累轉邠州團練昌州防禦黔州觀察使拜武泰軍
節度使政時年七十三氣貌不衰侍立殿下雖久無
惰容能上馬踴躍觀者壯之早朝暴卒贈開府儀同
三司

元

梁錦陽字世榮少岐嶷便弓馬中統癸亥成進士從順

天道左副元帥賈同文參贊軍務右丞相伯顏薦爲
千夫長從圍襄樊荆宿郢等州旣下以爲左副帥師
至建業宋兩淮制置使李庭芝寓書錦陽願終和議
停兵半載朝命南征錦陽表言違盟不可詔切責之
持議不屈世祖時以爲江淮南北等路招諭使佩國
信賜金虎符進左丞相萬戶上將軍鎮守吳江盜息
民安遠近賴之元滅宋擢統轄順天東甯太原京兆
延安五路都元帥屢著戰功大德乙卯致仕歸里至
治三年卒年七十有八諡文憲封奧達魯花王

碑見
藝文

張璣成化年舉人知陝西洛南縣廉恕公勤愛民如子

秩滿百姓赴京保留加六品俸仍知縣事聲名甲於

關西後貧不能歸即邑居焉

見陝西通志

馮憲字遵古號文瀾諸生時英慧出人博洽群書雅以氣節自負舉宏治戊午鄉試登壬戌進士授河南沁陽知縣立政嚴明鋤強抑暴豪勢斂手以避百姓方仰新政以見忤貴要旋罷沁人繪像歌謠思之

郭廷冕字季文號文麓嘉靖乙未進士初授中書舍人擢陝西道監察御史巡視北城風采凜然中貴不敢干以私奉命督長蘆鹽課清蘆弊源嚴禁窩鬻歲增

餘鹽萬計商不困而國賦足稱兩便焉再按南畿淮鳳諸郡力振風紀雖偏僻下邑必按行各諏屬吏以非禮奉者嚴禁之綜核有體尤以培養元氣爲務威惠並行所在肅然擢知常州郡毗陵爲南東巨鎮民性矯飾競以華靡相尙延寃敦行節儉爲百姓先捐不急之務以省民力常人頌而德之晉山東按察司副使整飭徐淮兵備啓行之日行李無餘抵徐數月疾作卒於官常徐士民聞之有流涕者子衡有才名隆慶丁卯舉人懸陝西興安州知州

田疇字汝治號易吾隆慶庚午鄉試辛未進士初授行

人司行人性篤孝值母病癰發於腋醫多方不效乃
自吮之輒愈人以爲孝感云拜給事中首陳七策上
加納多所施行許駙馬從誠馬毀柞亡無敢問者特
疏糾彈蒙詔切責於是都人士咸相戒曰是且不難
法帝嗾何可犯也乙酉主試關中稱得士擢掌戶垣
屬椒房母死乞恩逾制疇以帑竭力爭不可竟從減
等其彊項敢言類如此戊子擢山東參政萊郡大旱
齋誠禱神大雨隨注凡所爲振救安集者不遺餘力
歲不爲害丁倭寇朝鮮震鄰岌岌晉按察使顓控海
防念齊實京師肘腋迺按行要害增濬塹壘儲粟繕

兵爲綢繆計守帥有沮之者弗聽竟築之諜知有備
遂寢內訂謀衆始服其蚤計焉丙申遷長東藩益申
令有司杜苞苴平出納疵政不便於民者悉爲爬梳
而釐剔之帑有羨鏹若干金故事惟官所用卻之一
毫無染曰奈何以吾身爲壑乎徵光祿寺卿丁酉擢
順天府尹剛方有執輦下肅清而權貴有銜之者言
官希旨誣據抗疏自陳不報遂投劾歸里居卻掃手
玩周易津津然蓋潛有契也卒年六十有七

鄭之儔字良卿號東里其先世居秦中洪武三年遷於

邑之南安里萬曆甲午領鄉薦乙卯冬就銓除直隸

文安縣令時三輔大祲溝中骨枕多方闕卹甦活者以萬計邑地窪河衝歲每爲害乃緣舊蹟築長堤百二十里以捍民得平土而居稅璫高案負罪逸自內禁人率嘽喧不敢逼僑直搗其穴執之豪強屏跡邑有屯牧營淀等地瀉鹵無收民苦重賦二百餘年迺援別郡例減徵獲除賠累政成民和課績最聞庚申擢順天府通判天啟二年壬戌遷工部虞衡司主事旋督臺基厰務會遼變征公廷議葺都城濬隍以修備獨冒蒸暑宵旰拮据竣役省金錢數百餘鏹用佐國計終默不以語人且退而私憂曰天子守在四裔

不思決勝千里而郢是城徒示弱耳時董工積勞竟
亦瘁病旣而有易州餉軍之命憊不克起猶促僕齋
金赴郡視回牒報部而疾加劇尋卒京邸年五十八
贈承德郎子五人長宗周別傳季子庭周選貢生平
嗜欲澹如儉於自奉遺衣一襲示宗周輩曰吾藏此
易年矣惜不忍漫服夫人故有不嗇用而能廉取者
乎居家居官止此矣至與人清而不絕於俗和而不
滑於時居實處厚尤恥皎皎矜名性雅喜讀史能詩
古文辭成一家言著有東臯醉語詩文若干卷

嚴三省賢馮都人父經樂善好施人尤稱之三省嚴志

正性履仁守義一頓一笑未嘗輕假己酉登賢書
秦隴治行稱第一其子濟溫慷慨好施濟宏嗜古如
飴孫應龍應祥祥子國魁庚午舉人孫調鼎己酉舉

人

編修周
傳畧

王在臺字爾基號肇區平陶里人溫恭馴雅孝友自其

天性從少好學不倦萬曆癸卯登賢書癸丑成進士

授山東滕縣令事繁俗悍公隨方輒應歲比不登賑

活者以萬餘計時議福藩贍田內史眈眈昭陽湖地

此地盈涸不常一受其成階厲無己公具文申免邑

人祠公湖上後振鐸北雍辛酉遷戶部主事監督通

倉積羨晉秩再督延儲因魏璫禍作請告里居者四
載起補戶郎轉漢中太守陝西通志云政先教化一
遵文翁之治時瑞藩監尉多奪民田公爲禁除又勦
滅常板子等賊後陞任去攀轅者以萬計由興元參
政兵備擢鄖陽巡撫以病歸優游自適口不言有無
置義田以贍合族迨疾亟囑諸子勿厚葬因舉田李
爲例年七十有四丈夫子三長用中光祿署丞次毓
秀貢生授臨縣廣文弗仕季毓文廩生

秘書院侍讀
汾陽朱之俊

傳

畧

鄭宗周字伯忱號意葵生而英敏稍長力學如不及當

父東里公捷書至日亦不輟俄暑時人異之嗣隨公
與師王公在臺者同下帷於西山甘泉寺學日進戊
戌出就童子試學使陳公所學號冰鑑首甄公以式
多士自後試輒冠軍中丞魏公廣微會藩臬檄取主
書院靡敢齒易者萬厯癸卯與王公同膺鄉薦計偕
偶蹶益刻勵忘食飲常午夜不解衣丁未遂捷南宮
公初筮令鉅鹿繼調繁唐山兩邦懷恩並祀名宦先
後巡方交薦考選擢西臺時東里公之尹文安也係
權闖盧受梓里因入覲受以父母見且云令嗣肯一
面巡方可得也東里公鄙之及與公燕居道及公聞

之髮指義不往見受德之會神宗靜攝受與相方從
哲朋比旨中閣者八稔公到部首抗疏參冢輔方相
臚列奸欵天下快之值光宗促祚公復累疏請正李
可灼崔文昇等表裡方相妄投毒劑之逆謀傳揭諸
公羣章交訐論者謂公與楊璉左光斗諸君同一忠
義而公之卓識先見尤過之辛酉奉差巡閱履境首
祀李忠定公雍貪墨者數人及監察棘闈內外肅清
差竣復命適太封公晉虞衡於京染沈疴公百方救
治竟不起一慟幾絕勺水不入口者七日於時權閹

薰灼先編公入紅丸案將伺讀禮竟而即中之值懷

宗正位羣奸正法以原職起公掌河南道不兩月擢
同卿贈父母如制在冏籌發計樞二部之匿清剔蘄
遂諸鎮之夙弊前後四十餘疏上繼陞太僕正卿括
隱羨萬餘金報於朝時遠餉缺乏大司徒畢公自嚴
奏借寺銀四十萬公抗疏不從奉密旨暫借銀四十
萬後不爲例上深廉之詔以右司馬兼中丞撫天津
等處公降乘進將吏而告誡之集父老子弟而煦濡
之旋三韓失利難民載塗公爲請命加意安輯生全
者數萬計已太夫人計聞跣奔返里哀毀如喪虞衡
公時既終制遂絕念仕進時課圃村落攜酒深山偕

胡公全才輩逍遙自娛公貌清癯若不勝衣而言動不苟方公侍虞衡公疾專心岐黃書遂手刪著本草一集備極其精拓建先祠一區五越歲而落成康熙

癸卯歲卒

朱之俊傳

國朝

胡全才字體舜一字韜頴別號聖水石東都人始祖諱冕常熟縣丞有惠政祖諱賓庠生父諱誥增廩生另有傳公長身方頰目有電光聲若洪鐘性豪邁讀書恥作章句儒髫年補邑庠生每試輒列前茅嘗宵返書舍方雨滂溼墨忽有燭籠前導又一夕竟送至

卧榻前叱之有聲而退有至親病魅公將往候其魅
曰如今有大貴人至吾當避去丙子舉於鄉癸未科
成進士時秦督敗績闖逆李自成犯西安公以觀政
進士疏陳機宜乞許在晉諸藩所在各招健兒使人
自爲戰如漢委梁以捍七國故事屯蒲中以扼渡口
保河東以壯右臂俟事平議撤疏入而晉省已陷都
人大震亟召見授兵部職方司主事贊畫李閣部軍
前公抵真定勸塞井陘口不聽自請鐵騎以往亦不
聽惟率所隨百餘人遍插疑幟保固關隘逆乃從居
庸關入犯京師公慟哭歸招集里中子弟起義旅欲

襲殺僞帥恢復太原不果順治元年甲申九月大師
至太原公引兵投誠隨固山業清大學士巴公收復
平汾等府陞見賜貂裘鞍馬授兵部車駕司郎中陞
陝西漢羌道右參議公入漢中當賀珍倡亂尤總鎮
逃歸省會巡按失印道府州縣被陷赤地二千餘里
公獨守漢中土寇魏景龍乘亂聚衆架木扒城景龍
先登公立城頭矢石間手斬景龍懸首城上遣歐世
暹劉鳳招其弟化龍頭目張守業等數十人來歸餘
黨乃散川逆張定國駐保甯謀犯漢中公密令參將

嚴自明馳擊保甯定國遁去三年四月賀珍又犯漢

中公堅壁死守值肅親王烏金王與內大學士巴公等兵過漢中圍始解公措辦糗糧四萬八千有奇大帥賴以濟犒入川兵部題敘陞都察院右僉都御史巡撫甯夏公聞報後奉肅親王令同總兵任珍勦蕎麥山砦賊首孫首法等殺賊一萬四千餘人四年三月乃赴任正當馬德殺害焦撫之後巨寇李彩相繼作亂公親率將士直入甯夏乘勢捕勦戰於預望城馬德走再戰河兒坪擒斬馬德李彩就縛甯夏平後以追劄刑斃穆遠事削職十年三月起補江西饒南道左參議經畧輔臣洪公疏薦隨征湖南請復原官

巡撫鄖陽僉都御史如故時郝劉高塔李諸賊合犯
鄖陽公履任馳赴穀城白虎山南漳蜈蚣寨南極湘
湖北控關洛楚蜀咽喉之地水陸聲援勢難守禦利
在戰攻於是遣副將文德陣於曾河灣都督于大海
副將苗時化攻廟灘副將張德俊王嘉會戰白土關
各帥四五千騎分兵奮擊擒其僞帥張進孝李企晟
等五十餘員黃鳳昇任虎等百餘員皆其僞將軍都
督盡解甲款首轅門請降公推誠納之復慮均州臨
漢水中有滄浪洲連郢達鄂賊時出沒乃修復城郭
添設水師使能將守之賊始不敢潛渡十二年七月

痰疾陡作猶擐甲視事不異平昔十月陞總督湖廣十一月前疾復作遂不起享年五十有二經畧洪公疏奏

上聞之悼惻贈兵部尚書諡勤毅廕其子應麟入監

賜祭三壇給全葬發修墳銀三百兩仍遣山西布政司堂上官彭有義代祭於公之墳墓前

御祭文曰鞠躬盡瘁者臣子之芳踪卹死報勤者國家之盛典爾性行端方才猷敏練克襄王事著有勤勞方冀遐齡忽爾長逝特頒祭葬用表悼懷爾如有知尙其歆此又曰惟爾居官敬慎賦性真誠夙著保障之

勞新膺總督之職方期効力忽爾奄終憫惻殊深再
頒祭典爾靈不昧尚克欽承

御賜葬文曰惟爾名高節鉞功著撫綏方期宣力於巖疆
忽焉息身於邱隴爰頒祭葬用表哀悰永奠佳城靈
其來格公幾歷任所凡建立修葺不可悉舉所刊有
黃石公素書忠武侯心書太上感應了凡先生立命
二篇合刊所著有撫治疏議述古自警貞勝子銘淨
信庵詩妻賀氏誥封夫人生子三長應勳廩生次應
虞太學生俱先公卒次應麟工部虞衡司郎中娶嚴

氏誥封安人生子三長曰紹以生員爲國子生次

纘少曰繩爲邑庠生俱擅文譽時有文陽三鳳之稱

太學士成克
鞏爲立傳

鄭崑璧字崙輝從周孫順治戊戌進士除陝西富平知
縣縣南漆沮金定溫泉四水皆可灌田崑璧相高下
疏支渠地成沃壤至今賴之居官絕覬遺請託不行
修學宮立保甲士民交頌以最陞兵部職方司主事
權揚州鈔關行旅不擾歷陞本部員外郎戶部陝西
司郎中奉

命校士荆南以振拔孤寒爲己任其時滇黔變起人情惶
駭歷試至鄖陽襄鄧諸郡崎嶇險阻逼近賊巢當事

者危之崑璧不顧按試以還所至咸稱得人以積勞卒乾隆四十一年祀鄉賢弟崑璽見選舉從弟崑璜

崑瑛

鄭崑璜字黃玉以康熙壬戌進士出知直隸南宮縣事甫下車即詢民病苦凡不便於民者即罷之未期年報最陞戶部廣東司主事綜覈錢穀絲毫弗苟陞河南司員外郎禮部祠祭司郎中凡遇典禮考核得宜宗伯倚爲左右手特擢湖南常德府知府掃除各屬供億所讞決以情衷三尺而行其他善政難枚舉後引疾歸人皆以未竟其用惜之

鄭崑瑛字英玉崑瑄弟幼穎悟絕倫讀書數行下所爲
文以先秦兩漢爲法下筆數千言立就康熙乙丑翰
林辛未會試分校易經得士九人浙中陳汝咸關中
張慶曾皆一時知名士

聖祖親考上書房公文稱旨傳諭獎藉有書法得衛夫人
筆意之諭隨賞給

御製詩耕織圖端硯緞疋等物由庶常授編修日講官起
居注人咸榮之後以疾致仕歸邑令李公延修邑乘
至今稱爲名構生平著作甚多惜未能梓行偶散佚
朋好者珍之如吉光片羽

鄭錫爵字公言康熙丙戌進士初任直隸甯晉令革修
考棚府署年終建新春夏二季平面子牙河椿木府
城河稅銀州縣口外運米幫貼軍需折出騾馬僱役
諸弊政二十二條陞涿州知州三月陞貴州鳳陽府
知府引

見賜香燭貂裘以旌之因親老不能迎養

特恩調授直隸廣平府知府丁母憂服闋改授刑部員外
郎復丁父憂卒

鄭爲龍字令侯癸未翰林簡山東膠州牧兼攝安邱事

興利除弊易瘠土爲沃壤薦陞杭州知府以母病請

假改調漢中府丁母艱服闋補江南蘇州知府尋調直隸真定郡

世宗皇帝召至偏殿垂問山西官吏民情甚悉賜

御製詩章端硯貂裘並克食茶菓等品物且諭有要事卽行摺奏甫匝月陞湖南糧儲道尋調直隸通永河道所在政績丕著年八十有三卒

成元震字東權號長公先世居蜀之成都明初始遷邑城東街考諱性康熙己卯武舉江南太倉衛守備公生而英異戊子武魁會試後効力兵部期滿考列一等選授江南徐州協標中軍守備徐人爲立遺愛碑

無溢辭雍正七年署理河標右營遊擊駐劄宿遷之
白祥河是歲霖雨四十日水大至運堤不沒者數寸
公督率夫役設法捍護賴以無虞水賊乘間攘攫擒
其魁寘諸法羣賊屏息民始安尋隨兵部侍郎馬公
爾泰辦淮揚賑務公籌畫合宜民沾實惠題授常州
營遊擊常之黠民假錢於營兵而重其息陰賂弁目
於給餉日扣除子錢積數十年子過母數倍而責終
不償逃亡日多營伍凋敝公得其情立追債主論以
利害僉願焚券且重懲貪弁嚴禁稱貸而常營乃

復振常之宜荆二邑逼臨太湖素稱盜藪公每

小舟督諸哨船分巡各港議戒勿張燈勿作欸乃聲
遇有賊則鳴角集衆共擒之舟行始得無恐又條陳
練兵弭盜十餘則總督趙公宏恩稱善檄行全省按
照辦理乾隆元年陞江南提標中軍參將江南提標
十二營出納兵米歲十萬石公親督收放不假胥役
手行鹽五營向係委員售賣高下其值竟成利藪參
將亦不無染指公嚴行察禁弊絕風清軍民感服二
年陞江甯城守副將時有以蜚語誣南昌總兵者總
督楊公將劾奏請以公代公曰蜚語未可據也某不
敢貪功名而幸人之禍當爲公廉訪之後果非實事

遂寢六年署壽春總兵廬鳳一帶地瘠民貧叢生盜賊公即照條陳諸議率屬行之未半年盜息民安七
年入

觀上顧左右大臣曰此誠實能辦大事人也亟予記名授
山東兗州鎮總兵兗鎮有催漕之責向帶左右營馬
五六十匹往來兩月餘飼養遺兵累公第令沿途營
汛遞送至督催所則資彼處馬聽用以息煩擾舊例
營員缺出盡調所屬兵弁赴考其迹似公實滋往返
公分爲四班循次而授然後各營免缺望而征調亦

簡八年冬赴京

陸見賜鹿二隻疊賜克食及鞍馬一具補江西南贛總兵
次日

召見備詢家事垂念親老改授河南南陽鎮總兵適甘肅
河州有回民叩闈之案奉

旨移鎮其地公推誠以蒞不數月漢夸帖然當王師之討
金酋也檄調河州兵公簡選精壯諭以大義兵行後
弔死問疾廉俸之入悉周其困乏軍中聞之益矢銜
結臨敵陷陣莫不以一當百是年其子邦彥銓陝西
朝邑令公札賜聯云莫受半文忘父訓每思一飯是
君恩亦可想見其訓子持身之大概矣十四年晉甘

肅提督甘省營馬孳生有定額其溢額者舊多入私
公悉以歸公又有積年收駝所省芻豆銀二萬餘向
係提督自行辦公動招物議公奏明交藩庫適馬逸
爲長子王屬下所竊王差員馳送且械致竊馬者公
以王恭順厚犒其使且諭以

天朝威德獎勵再三王喜叩轅謝過時準夷與內地交易
聞之亦相誠無干公令十六年降調廣東潮州總兵
陞見上曰聞汝年老今乃精力如常改授山東兗州鎮是
夏河湖漲溢高家堰堤決公率兵弁日夜露處運夫
過每十里爲備糗糧慰勞之夫役踴躍工成不日

讀江西南昌鎮二十二年

皇上南巡召見

賜宴並內緞荷包數事二十六年冬感患痰疾明年病轉

劇奏懇回籍調理二十八年春卒享年七十有八公

狀貌魁梧雙眸炯炯博涉羣書尤工詩復鎮兗州時

同僚以公能計欲紉之適宴會在坐皆文章鉅匠議

依金谷酒數各賦一詩以見志公以武職未習辭不

獲立成一絕云一別蒙山數十秋幾番得意幾番愁

君恩復命來東魯山色依然我白頭闔座爲之擱筆二典

武闡屬下偏裨官至總鎮者五人幸際昇平終身未

臨大敵時以爲熙朝福將云子二長邦彥見選舉次

汝舟次邦直別傳

山西巡撫
和其表傳

鄭廷楫字濟川雍正癸丑進士由工部主事轉監察御史陞刑科掌印給事中多所建白如疏通舉班禁止州縣私罰銀外省用嚴刑及捐納虛銜暨貢監生員濫用旗牌諸摺俱奉

旨允行子二長嶽鍾次岱鍾俱見選舉

鄭時慶字華臣雍正癸丑進士歷任貴州龍里貴筑江南清河金匱長洲等縣知縣政績循聲洋溢於大江

南北陞山東曹州府水利同知辦河務報最陞江南

安慶府知府調鎮江府決事無停機論者比之于定國張釋之云陞山東運河兵備道年六十三卒

王績里洪村人性英敏好學不倦篤於天倫十六歲爲武庠生既而悔之曰

國家昇平今百餘年矣惡用是赴赴者爲乃棄去復事舉子業是歲入府庠越二年於乾隆辛酉壬戌聯捷成進士初任四川南部縣後改河南寶豐儀封等縣卓著循聲居嘗訓子弟曰若曹母以趨時爲能惟敦大節務實行於根本處著力斯爲不辱先人

鄭鴻任字子重錫爵子乾隆乙丑進士由安徽休甯令

陞宿州牧丁母艱服闋兩江制臺尹公繼善奏請來
南屢辦大差補黔之麻哈州牧苗懷其德民安堵有
獨山州人韋學文妖術惑衆結匪黨陰謀不軌以布
爲照蓋刻朱天子賜四字上寫御封某官職姓名有
苗生者感公之仁首其照時漏已二下公飛報上憲
隨選幹役數十名尾苗生後入其穴得韋學文按籍
而捕之無一脫者及上憲委武弁來助賊已就擒黔
撫方公奏聞引

見未及起行以病卒年六十有六

鄭岱鍾字東侯給諫廷楫子乾隆庚午科與兄嶽鍾同

舉於鄉先後成進士嶽鍾官福建崇安縣知縣岱鍾官翰林院檢討性豁達舉動率任天真不設城府居鄉尤恂謹絕請託嘉慶庚午科重宴鹿鳴

賜國子監司業銜卒年八十有四

王鍾健字仲乾號靜亭九歲失怙其伯父侯度撫如己子嚴加訓課有棗香書院授讀圖多名人題跋今無存以乾隆丙戌翰林歷官江西道監察御史禮科掌印給事中性嚴厲直言敢諫權勢無所屈同朝咸敬憚之

成汝舟字用濟號虛齋幼讀書能通大義尋入國子監

赴鄉闈薦而未售元震欲嫻以政體乃令輟舉子

業匡輔戎樞一切文案摺稿瞭如指掌以縣丞赴陝

試用正值軍務旁午挽芻輦粟相望於道陝甘交接

處爭論斛面深淺汝舟持鐵斗以平之爭乃息補江

南南匯令匯濱海民好訟素桺難治汝舟至恩威並

用不數月而民心帖然葺文廟建書院暨養濟院捐

廉增兵口糧乾隆四十二年夏蝗憂之至廢寢食默

禱於天願減年以蘇民困是夜海壩漁戶網重不能

舉詰旦視之皆斃蝗也人以為至誠感格云尤經心

水利如運漕河白蓮涇新場河護塘港閘港等處塞

者通之淺者濬之農田百萬輸漑均資邑人曾刻石以紀事越二年推海門同知因

天子有事於南巡狩留辦差工陞常州府知府歷鎮江江甯等府護鹽巡道又稽查龍江西新關鈔革胥吏苛歛之弊商民皆便之又督辦江甯災賑事捐廉合糶米芝蔴紅棗爲丸日食餓者殆徧大荒後能免於疫嗣以淮徐道調任淮揚防禦洪澤黃河運河海口尤加密凡石堰草壩之高下宜泄滯瀦之早晚莫不區處合宜五十二年高寶湖溢塌烏魚塘壩故下遊田廬不爲災戊申李河督赴京

方集
卷九
陸見上曰成汝舟在河王辦事如何又曰朕知其爲人結實有乃父風其世受

主知如此五十四年十二月抵湖北按察使任數月斷結新舊積案一千四百餘件稱明允焉年七十有二卒

子履恒別傳

成履恒字立方號魯齋幼醇謹篤孝友遵川運例捐主事補戶部江南司陞江西司員外郎福建司郎中在部年久諳練胥吏罔敢欺俸滿推陞山東萊州知府循例以迎養辭丁父艱服闋大農祿公朱文正公知爲熟手奏留本部得請補廣東司郎中以繁缺知府

保送授安徽徽州知府徽郡山多土曠每有外來無
藉貧民葺棚私墾間有逸犯藏匿大憲屢申禁約不
悛委令會營搜捕驅逐恒曰愚民踞耕久驅之迫恐
抗拒成巨案留兵祁門縣城並捐廉千金以資兵餉
已自單騎隨一僕入山曉諭民皆感泣縛犯以獻尙
有居久重遷者恐其藏姦滋事乃諭以利害使各歸
鄉里是役也不煩一兵全活甚衆嘗攝安慶首郡上
游倚重輿論翕然未幾客民張良璧採生案發以過
慎被嚴議歸里後於祖塋家祠義學義塚次第俱舉
戚黨中有困乏者慨然酌贈不責其償年七十有八

卒子六長錫璠次錫瑜別傳三錫璜見選舉四錫璐
邑庠生五錫瑄府經歷六錫瑞從九品

成錫瑜字蘊山號璞完幼穎異性豪爽五歲失恃哀毀
如成人年十七入直隸大名學庠侍父官京師才愈
諳練癸酉選貴州經歷歷長寨同知獨山州同都江
通判荔波知縣所在著政聲長寨人王赫偶出不反
妻訟於官詞察數月無音耗乃默禱於神而潛迹焉
遇樵者李姓詢知爲某所戕已焚尸滅跡矣捕獲實
諸法黔地多苗素稱難格蒞荔波時有苗民訴婦墮
人逃匿比到官察苗貧甚婦又倔強不欲歸乃自

金予苗勸其別娶而重懲誘逃者民感泣事乃終

光丁亥引

見授廣西萬承州同又理養利州事萬養皆邊地風氣刁悍好鬪有持械戕人者忤作受賄驗無傷瑜不避穢目以酒洗尸細檢至牙根知傷在下部寃乃雪他不法皆嚴繩之咸帖然無敢犯庚寅陞左州知州引疾旋里囊無餘貲儉約自奉逾於農家至戚黨貧乏竭力周之無少恡咸豐三年粵匪陷平陽警日至邑城圮一角瑜典衣物首捐錢五百千修之聞賊近親率諸子姪日夜巡邏露處城頭者廿餘日生平見義勇

爲任事不避勞怨非公事未嘗一謁有司其嚴正如
此年八十一卒子濬附黃生

王衷字于一由廣東通判題陞廣州澳門同知歷署保
昌南海新會縣事陞高州府知府署高廉兵備道調
潮州湖南岳州長沙府知府署湖南糧儲道賞戴藍
翎所在卓著政聲至今人猶稱道勿衰惜墓志無存
未能詳紀

武新銘邑之馬村人榜名天弼字夢巖幼聰慧寄籍順
天通州居古寺勵志弱冠入州學庠嘉慶己卯捷於
鄉道光丙戌成進士授山東甯陽知縣邑患盜新銘

始至單車匹馬徧歷村堡諭以相助相恤義戒備嚴
明出已資僱役巡緝民得安堵嗣嘆人內犯調充鎮
兵三千南下所至苦供億路出甯陽新銘令社置一
車以資迎送飲食供給取諸官民無毫髮累二十四
年蝗起親詣田間躬率農人驅而埋之歲得有秋尤
重民命遇案必反覆親驗民無冤獄孝友廉潔作官
數十年家無恒產工制舉業一題數十藝援筆立就
充丙午科山東鄉試同考官闈墨前刊擬作八藝人
傳誦之著有卽仙館龔邸官舍遺文莞爾堂詩集乙
巳會試首題廿一藝待判繭商河未逾年卒於官年

五十二子五長達、次達璋諸生俱早逝。三達人廩貢生四達材進士五達昌廩生。

武新亨字芸渠，新銘從兄。道光辛卯舉人，癸巳科庶吉士。散館授編修，易名雲衢。丁酉科江西副主考官。御史授山東青州府知府。府有駐防滿兵，歲需兵米各屬苦賠累，悉爲裁減，除陋規，禁餽遺，官困以蘇。屬縣感之，嘉惠士林，體恤寒峻，捐廉籌款，量加書院膏火，獎賞文教，賴以增盛，至今咸頌美焉。

武僑，武彞村人。由道光乙未科舉，人大挑，知縣分福建

補永福知縣，敏捷多智，數恒決疑獄，上官倚之。同治

咸推服焉

王恒德字用占下曲鎮人先世皆以科名顯恒德獨由

實錄館議敘選正定府經歷陞平泉州判署涑水知

縣補密雲嘗以功名不由科第爲恨銓官後廉謹自

持不妄受一錢所至以清著咸呼爲王青天其宰密

雲也城濱河某歲山水大漲將破堤吏民驚走相告

恒德泣然曰某在官有隱隱譴及一家可也願勿傷

百姓卽具香楮泣禱堤上水驟落民皆破涕慶更生

比歿宦橐蕭然幾無以殮上官廉其貧爲集資歸櫬

子道立

王道立字子修少慧父恒德以己不由科目訓之嚴道立體父志亦精進年少懈舉道光丁酉鄉試甲辰成進士以知縣分發陝西始至即委讞局決疑案數十兩造帖服無冤者歷署同官西鄉蒲城蒲有奸民姦人婦而殺其夫瘞諸幽室婦不知也歲餘其家控諸官事無佐證道立齋宿城隍廟禱於神是夕奸民欲逃甫出門彷彿覩捕者懼而止再出復然竟夜不得遁乃緝詰辰婦狂詣縣堂作其夫鬼語語被殺事甚悉依語按驗獲尸寃白繼補懷遠調大荔未幾卒於

官道立承家學廉介不苟所至愛民重士以振興文

教爲已任嘗自製楹聯有愛一文一文不值語戒諸
子以勤儉衣履如寒素爲官二十餘年積逋纍纍而
不可干以私每去任士民遮道攀留不聽遽去蒲民
尤德之父老今存者猶謂四十年來無此好官也子
三長廷治次廷藩三三官以貧故不能歸道立喪猶
寄葬於陝省之西郭

文學

明

蘇應聘字紹岡體貌奇古有大才少貧且耕且讀下筆
數百言立就諸生時卽負盛名時學使者按臨汾州

應聘出場八邑生童聞名聚觀圍遶幾不能去顧數
奇六試不售然由其門入鬻序者不下數十人且多
知名士繼爲運城導陞長青諭青令王遠宜慕其博
洽凡遇試卽封卷送閱皆稱得人無何致仕歸好學
不倦復開帳授生徒一時入鬻序者復數人如陳三
接嚴國魁郭城翟永昌曹珏相繼登甲乙榜應聘武
度都人舊制本村去官路十餘里有行夫守鋪之累
二百餘年莫可控訴及歸林下適舊青令王公亦擢
中丞巡鹺晉中應聘謁之具言路遠行夫之苦王公
握手道故盡權而別立批呈有永不行夫守鋪之語

勒之石土人立祠祀之

門人曹珏傳畧

嚴國魁字啟皇賢馬都人天性孝友篤學力行誕之夕父夢鳳入抱生而穎異好讀書過目即成誦素有大志不屑事家人業少失恃事繼母楊氏如所生洎入泮文名赫甚而手不停披口不絕吟其爲文也以先秦兩漢爲法庚午魁於鄉中選後閉戶以圖史自娛邑中舊例僉報庫吏應役者往往破家又有協濟鄰境馬頭一項最爲偏苦國魁率諸縉紳具辭控於當道一則革其弊一則均其役至今邑人感之時屬多事改革相仍國魁不焚不濡得以自全有勸之仕者

曰吾有田可耕有子可教若向鄉里小兒折腰殊令
五柳先生笑人晚歲優游三徑耽心經義竿牘不入
公門者幾三十年而邑中之執經問業者常滿戶外
若郭超宗郭鼎鉉王錫命皆其立雪士云後疾草嘗
囑諸子云吾生平無不可對人言者立身揚名汝曹
善自爲之無貽吾憂也子五長早逝仲子調鼎已酉
選拔三辯徽四綉徽五紋徽俱庠生

編修周傳畧

國朝

曹珏明天啟年舉人舊志載蘇應聘傳及志序一首皆

簡潔有法惜著作不傳

武廷選字晉侯乾隆辛卯科舉人性豪爽博學能文兼工書法以大挑一等歷仕貴州普安州江蘇泰興新陽縣蘇州府分府著有蘭圃詩草行世子天爵新亨孫鍵俱見仕績

武敬勝武午村人嘉慶辛酉科副榜生有至性居家以孝友聞篤學嗜古自成一家言文境直接秦漢甫弱冠遂爲三晉知名士屢躋棘闈終不屑揣摩時尚歷任臨晉定襄大同洪洞教諭甯鄉訓導所在以作育人材爲己任年老家貧授徒爲生計所得脩金儉約自奉外悉散親族之貧者與及門講求經義兼以行

誼相勗一時文士盡出其門惜生平著作無多得之者輒襲爲枕秘子僑見仕績

蘇捷卿字月三嘉慶庚午解元道光壬午進士掣河南卽用知縣以親老家家居授徒鴻才博學名溢三晉從遊者歲不下五六十人所許可者率皆得意以去生平歌咏甚多惜未梓行而一時鈔傳幾令洛陽紙貴至今猶膾炙人口云

楊魯方圓村人廩貢生胸羅墳典學有根柢屢躋場屋無愠色家貧授徒不較束脩平生砥礪名節以安命惜福爲第一享壽九十

陳惠字勉吉廩生明陽村人接三後裔持身嚴正言笑不苟年八旬與人危坐終日無稍跛倚極淹博尤深於秦漢諸書註釋詩文集甚多有裨後進惜家貧無力付梓

閻廷榕北張家莊人乾隆庚子科舉人博學能文尤工書法得鍾王筆意

張采翼字苞九世居南莊村幼慧好讀書潛心經史中同治壬戌科舉人務爲博世之學不屑屑於章句惜天不假年四十六歲卒著有禹貢臆參禹貢圖說並

詩文集待刊

隱逸

唐

武攸緒則天皇后兄惟良子也恬淡寡欲好易莊周書少變姓名賣卜長安市得錢輒委去後更授太子通事舍人累遷揚州大都督府長史鴻臚少卿后革命封安平郡王從封中岳固辭官願隱居后疑其詐許之以觀所爲攸緒廬巖下如素遁者后遣其兄攸宜敦諭卒不起后乃異之盤桓龍門少室間冬蔽茅椒夏居石室所賜金銀鐻鬲野服王公所遺鹿裘素幃瘦栝塵皆流積不御也市田潁陽使家奴雜作自混

於民晚年肌肉消青瞳有紫光晝能見星中宗初降
封巢國公遣國子司業杜慎盈齋書以安車召拜太
子賓客苦祈還山詔可安樂公主出降又遣通事舍
人李邈以璽書迎之將至帝勅有司即兩儀殿設位
行問道禮詔見日山帔葛巾不名不拜攸緒至更冠
帶仗入通事舍人贊位攸緒趨就常班再拜帝愕然
禮不及行朝廷歎息賜予無所受親貴來謁道寒溫
外默無所言及還中書門下學士朝官五品以上並
祖城東俄而諸韋誅武氏連禍唯攸緒不及睿宗恐
其不自安下詔慰諭復召拜太子賓客不就譙王重

福之亂攸緒以誣被繫張說表置廬山中書令姚元
崇奏攸緒在武后時未嘗輒出今州縣逼遣士爲驚
嗟願詔賜嵩山舊居令州縣存問詔可開元十一年
卒

宋

邢鑑字叔明少而篤學有經世濟物之心從晉豁任先
生遊講習十年行修經明時方以詞賦取士而公潛
心經術因見詘西北用兵邊儲未裕公痛肉食者鄙
臚長策遠謀上書執政竟莫能用於是謀道山林不
復以仕進爲意嘗與參政歐陽公修范公仲淹學士

石公介爲知交而超然遠引蟬蛻塵囂蓋所謂幽人之貞與卒年六十有七

明

張圖南字拙庵開柵鎮人以字行器宇簡澹倜儻不羣厭習舉子業髫年即謝去縫掖衣優游泉石間好讀異書過目成誦更工詩善書人有以厚餽求者即片詞隻字不可得興會所至常累幅不倦晉直指使高其操親詣之聚談於陋室敝席之間出蔬食菜羹直指使飽之而去晚年家益貧行益高四壁蕭然不事家人業每遇佳山水處往往留題而僧房道觀時寄

跡焉人有勸之仕者笑而應之云廟中之儀漆園吏
且不爲而謂吾爲之乎逍遙自適而終

國朝

郭連城章多村人高才博學工書善詩不樂仕進優游
泉石間自號白雲隱士家甚貧遇書籍輒傾篋購之
尤究心性命之理學者咸推尊焉與太原傅青主平
定白居易爲方外遊年未三十而卒忻州知州魏一
鰲賦詩以弔旌爲隱士之墓

樊從簡曰野無遺賢萬邦作乂以賢人而樂於仕本

治世之常事也雖然人各有志不可強奪故光武遂

子陵之高真宗成魏野之節而易嘉肥遯詩美考槃
正謂此耳今觀文邑數隱君子或避亂以潔身或樂
道以淑後清風高節真可以激頑而起懦其視黃絲
攀附知進而不知退者烏可以同日語哉

寓賢

周

卜商字子夏衛人孔子弟子退老西河爲魏文侯師嘗
憇本縣隱泉山後人號其山曰卜山又曰子夏山云
明

趙秉忠益都人父禧任本縣丞生忠宦邸登萬曆戊戌

科進士狀元及第禮部尙書

郭佳鎮邯鄲人邑宰宗賢之子從遊宦邸後登進士任
遼東兵憲

方外

道士康成渝清源鄉成子村人住胡家堡元天觀修持
有年康熙十四載正月夜有髯翁來廟挽鹿車載木
匣一外刻黃籙琅函四字內裝神像四十軸筆致奇
古以贈成渝因止宿焉及旦人與車俱渺社首王萬
奇重爲裝演藏置廟內每歲三月三日懸挂殿中建

醮虔祀名黃籙社至今猶存成渝自是每露奇跡

與生員王慎幾圍棋假寐片刻忽欠伸言河南麥已熟袖出二穗示之時邑麥尙未秀也今遺像猶持麥二穗五十四年二月十七日辰時於廟前建大照壁一東建茶房五間言主村中市集興盛後果如言卒於雍正八年壽八十有四時村人王姓者商於蘇州偶步店外見成瑜牽驢過邀請少憩辭不入徐解項上念珠囑王攜歸交弟子武守性善爲收藏語訖竟去迨王隔月旋里詣廟詢之計遇瑜之日卽示寂日也念珠乃其棺殮物衆始悟其仙去矣

シフ集元

卷之九

文水縣志卷十

列女志

舊志無列女但標貞烈而統於賢才且僅二十八人知遺漏者多矣茲另編爲一卷首后妃示尊也次賢媛表德也終貞烈與節孝著節也然自康熙十二年傅公重修後迄今又二百餘年苦節幽芳保無有湮沒不彰者乎闡幽顯微吾輩事也是尤望於將來者志列女

后妃

唐高宗則天順聖皇后武氏父士彥自有傳文德皇后崩久之太宗聞士彥女美召爲才人方十四母楊慟泣

與訣后獨自如日見夫子庸知非福何兒女悲乎既
 見帝賜號武媚高宗嗣位立為后上元元年進號天
 后建言十二事一勸農桑薄賦徭二給復三輔地三
 息兵以道德化天下四南北中尚緊浮巧五省功費
 力役六廣言路七杜讒口八王公以降皆習老子九
 父在為母服齊衰三年十上元前勳官已給告身者
 無追覈十一京官八品以上益廩入二百官任事
 久材高位下者得進階申滯帝皆下詔施行永昌元
 年享萬象神宮改服袞冕搢大圭執鎮圭班九條訓
 百官大饗羣臣作堊瓦窆囹圄慮惡歲慮重而十

有二文太后自名嬰改詔書爲制書改唐號周自稱
聖神皇帝旂幟尙赤神龍元年宰相張柬之等建策
請中宗以兵入桓彥範進請傳位徙太后上陽宅是
歲崩年八十一餘見唐紀

元宗貞順皇后武氏恒安王攸止女幼入宮帝卽位寢
得幸時王皇后廢故進冊惠妃其秩禮比皇后封所
生母楊鄭國夫人弟忠國子祭酒位秘書監將遂立
爲后御史潘好禮上疏諫遂不果立生壽王薨年四
十餘贈皇后及諡葬敬陵

按唐書后妃傳武后并州文水人舊志無之殆惡其

穢亂乎見何隘也考后行事雖不足道而機謀權數
籠絡羣才幾合曹孟德司馬仲達爲一人且爲人臣
而竊其國如宋齊陳隋諸君何嘗不尊爲太祖卽得
國之正如趙宋猶不免欺人寡婦孤兒之誚獨於后
何責焉后亦千古奇女子哉夫勸善懲惡不隱之筆
也遺臭流芳不朽之名也春秋旣載文姜國風亦存
桑濮褒貶分別昭示來茲不必皆宋伯姬衛共姜也
况乎其人已往其骨已塵何足爲邑乘累今遵通志
列入之彰美乎哉垂戒云爾

賢媛

鄭氏李景讓母治家嚴身勤諸子始貧乏時治牆得積錢僮婢奔告鄭曰士不勤而祿猶蓄其身况无妄而得我何取急使閉坎景讓自右散騎常侍出爲浙西觀察使母問行日景讓率然對有日鄭曰如是吾方有事未及行蓋怒其不嘗告也且曰已貴何用母行景讓重請罪乃赦故雖老猶加箠勅已起欣欣如初景讓嘗怒一牙將杖殺之軍且謀變鄭欲息眾謹召景讓廷責曰爾填撫方面而輕用刑一夫不安豈特上負天子亦使百歲母銜羞地下何面目見先大夫乎將鞭其背吏大將再拜請不許皆泣謝乃罷一

軍遂定

宋無考

元無考

明無考

國朝

朱氏浙桐鄉諸生鴻勛女邑人按察使成汝舟繼室
幼工吟咏博覽經籍年十九歸汝舟時汝舟爲南匯
令多所匡贊夫歿吞金以殉救之得蘇比自夫任所
歸出簪珥匱資置田二頃餘簿稽所入爲子孫祭掃
讀書久遠計族人貧困不能婚嫁者悉取給焉平

居蔬食布衣自甘淡泊家法秩然號爲賢母嘉慶元年卒壽六十有八歿後兩侍婢咸矢志不嫁禮佛終身亦各年六十餘卒

貞烈

明以前無考

明

武氏河間守陳三接配也素賢淑河間之變烽火甚急陳語之曰我爲國守城義莫辭爾其歸養氏正色曰夫死忠婦死節理固然也勿復言城陷遂自縊

國朝

文氏舉人郭超宗之妻流寇破城氏投井全節邑令

劉公申請 旌表曰清泉烈節

牛氏潘來泰妻道光元年夫故無翁姑子女氏年三十六歲方夫之疾也氏湯藥親嘗衣不解帶者兩載餘夫疾革乃舉田產衣物之屬盡鬻之於飾終之具必求完美至是年十一月初一日夫歿氏從容殮之畢謝族人曰吾事畢矣掩戶吞金以殉

烈女

武氏幼字任汝舟爲室院鄰某涎女美窺其父母出入室挑之不從強逼女力拒大呼某遁去父母歸女涕泣訴知遂仰藥死舟父控於官捕某訊伏置之法

歸女喪於任氏道光六年題請旌表曰節義性成

霍氏東庄村霍建盛女有傳

節婦

明

呂氏

霍文聚妻年二十五歲夫故守節四十餘年

常氏

李山妻夫故守節終身不變

韓氏

李儉妻年二十一歲守節撫孤終身不易

張氏

王信妻年二十一歲夫故遺子以文甫四歲誓守節伯叔欲奪之不得以紡織自給撫子成立

任甯夏經歷

郭氏

李堅妻年二十歲守節無刃子終身不改七十

六卒

李氏

孟進妻年十九夫卒遺子甫一歲家貧甚親隣議再適氏不從苦節沒身

武氏

李廷妻年二十夫亡遺二子勤苦撫養六十餘

武氏

李美妻年二十四夫故遺子應春甫一歲氏欲死節其父立勸乃止訓子讀書充邑庠生

李氏

蘇統妻少寡親老子甫二歲氏奉舅姑撫子成立

索氏

郭澤妻夫故觸棺痛哭誓以身殉家人防之得不死生遺子希振後亦故遺一孫氏撫養之凡

五十五年壽七十九歲

王氏

郭樂妻舉人王一爵女幼年嗜讀女孝經長而頗通字義二十歲守節撫孤事翁姑八十而終

邑令馬申請 旌表匾曰冰霜苦節

馬氏

庠生閻艾妻夫亡氏年二十四遺孤希子年六歲訓養成立壽八十二歲萬曆丙午申請 旌表

王氏

張翼明妻明爲闖賊所劫罵賊被殺氏年二十七歲矢志守節撫訓二子聖統聖繼俱爲諸生

國朝

賀氏

席賢列妻年十九歲夫故矢志守節撫孤成立

孟氏

侯晏妻二十歲孀居六十餘年始終如一

王氏

任權妻權入學早卒氏十九歲事姑撫子鄉里稱之

張氏

光祿署丞王用中妻用中早逝遺孤岱甫四歲父母勸其再適氏剪髮毀容自誓守志撫子朝夕課讀不怠卒以文名

侯氏

武纘妻纘早逝氏年十八遺孤甫八月家貧苦守壽九十始卒

楊氏

武懋德妻德禦賊陣亡氏時年二十二歲誓不改適

楊氏

李樓妻二十一歲守節撫未歲之孤復亡始終苦守年八十餘卒

權氏

蔚三命妻二十五歲守節壽七十七卒

孟氏 生員王經世之母幼年守節蒙旌建坊

郭氏 恩貢楊應芳妻以賢孝著聞夫官秦中時每以清廉勸勵之

馬氏 歲貢閻文炳妻生員馬上繡女溫良孝敬以乏嗣勸夫娶妾後生二子

成氏 張銘妻二十歲守節教子及孫俱成立爲邑庠生

成氏 監生曹瑤妻瑤少亡矢志守節事親撫孤始終無異

侯氏 郭夢周妻十七歲夫故遺孤未週歲誓死守志撫育成立

王氏 從九品張山峻妻年二十一夫故撫姪慎思爲嗣節操甚堅慎思任孟縣教諭沁源訓導

楊氏 陳廷柱妻年二十八夫故時翁姑衰邁持家勤苦教子成立

權氏 趙崑琛妻二十九歲守節

武氏 成龍飛妻年二十八歲夫故孝姑撫子終身不變

郭氏

王學聖妻二十五歲夫亡事哀撫幼備嘗艱苦

岳氏

高城妻年二十一歲夫亡遺子甫二歲後子亦亡覺焚無依節操獨堅

畢氏

武祥妻年二十四夫亡事病姑撫遺子終身不變

王氏

蔚本善妻年二十四夫歿子甫二歲氏持家撫子勤苦彌堅

趙氏

杜世宏妻年二十九夫故守節饗養不繼矢志不渝

畢氏

高映奎妻年二十八夫亡撫子成立

喬氏

武喜生妻年二十一夫故翁姑在堂以姪爲嗣事親撫幼終身不改

李氏

成乃武妻年二十八夫亡事衰撫幼節操彌堅

張氏

翟肇基妻年二十九夫亡撫訓二子成立

王氏

傅文妻年二十八夫亡守節終身不改

張氏

庠生成學顯妻年二十三夫故翁姑衰老孝敬無虧

郭氏

劉元傑妻年二十九夫故遺二子俱幼人有利其產者逼令改節氏諭以大義弗聽因出刃以

示曰頭可斷志不可奪某懼不復敢言氏窺其意未回常懷刃自衛衣不解帶者十餘年勤儉治家

紡織自給撫二子成立長敦榮武生議叙千總次敦華舉人大挑知縣分發福建人以爲苦節之報

李氏

王權妻年十九夫故以姪爲嗣撫育恩勤視如己出事翁姑以孝聞

成氏

李讓側室二十八歲而寡持家訓子守節終身

姚氏

武來麟妻年二十三夫故翁姑在堂遺子一歲氏事親撫幼備極辛勤

張氏

韓懷功妻二十八歲夫故子幼勤儉持家撫子成立門戶賴以不墜

王氏

韓經妻年二十七夫故子幼零丁孤苦教子成立

李氏

武調純妻年二十九夫故以姪爲嗣事孀姑撫

安氏

武統周妻年二十三夫故事姑孝教子嚴勤儉持家不辭艱苦

王氏

李尙榕妻年十九夫故無子奉養翁姑人稱孝焉

章氏

張增祿妻年二十四夫故有姑在堂遺子甫一歲氏事孀姑撫幼子賢稱閭里

任氏

胡權妻年二十三夫故無子以翁姑在堂矢志柏舟終養餘年事葬盡禮

姚氏

武調融妻年二十九夫故事姑撫幼各盡其道

段氏

王立本妻十九歲夫故翁年已衰遺腹子閱三月而生事姑撫子艱苦備嘗

龐氏

邢漢載妻年二十八夫故事孀姑撫幼子艱苦自矢

郭氏

戴三光妻年二十八夫故翁姑俱存生事死葬克盡其禮

劉氏

樊厚側室二十五歲而寡勤儉持家義方訓子

任氏

李世泰妻年二十七夫故撫遺腹子育養成立

陳氏 劉明妻年二十八夫故孝養翁姑能得歡心

弓氏

武兆盛妻年二十三夫故遺子甫一歲紡績度日節守彌堅

陳氏

張旆妻二十九歲夫故三子皆幼苦節自矢持家有法

汪氏

王肇修妻二十八歲夫故家計艱難節操不改

張氏

王世明妻二十三歲夫故子幼教以義方撫子成立

王氏

趙魁晉妻年二十七歲夫故子幼撫養成

李氏

賀汝明妻二十二歲夫故矢志守節終身不移

張氏

閻晰妻二十一歲夫故養事翁姑克盡婦道

梁氏

李錫五妻二十六歲夫故守節教子成立

張氏

李虎臣妻二十九歲夫故紡績撫孤至於成立

孟氏

王伯齡妻二十四歲夫故茹苦甘貧至老不變

張氏

李翰輝妻二十九歲夫故貞節自矢歷久益堅

劉氏

王邦璽妻二十八歲夫故養親撫孤守節不變

高氏

李冲和妻二十八歲夫故孝事翁姑克敦婦道

張氏

李勇德妻二十八歲夫故家貧姑老孝養不懈

楊氏

孟廷英妻二十八歲夫故事姑撫子矢志靡他

溫氏

賈璞繼室二十一歲夫故孝養翁姑深得歡心

馬氏

張爾珍妻二十三歲夫故茹苦含辛撫子成立

武氏

董建基妻二十九歲夫故紡績食力矢志柏舟

要氏

姚永慶妻十九歲夫故孝事翁姑始終無怠

張氏

武祥璧妻二十四歲夫故家貧子幼勤儉度日

柯氏

段培蘭妻二十三歲夫故恪執婦道人無閒言

章氏

張中魁之側室學使杜請旌

崔氏

韓鳳儀之妻守節三十二年

段氏

王時瀾之妻

賀氏

王汝明之妻

康氏

李九叙之妻

王氏

朱紹殷之妻

白氏

麻名揚之妻

郭氏

王廷弼之妻

王氏 張健之妻

田氏 生員喬國棟之妻

和氏 翟連城之妻十九歲夫亡守節八十五歲卒

張氏 劉永興之妻

林氏 皆淡水同知成履泰之側室雙節請旌

劉氏 張鉅之妻

武氏 江西泰和縣典史甯佩蓮之妻

張氏 張玉榮之妻

劉氏 武夢齡之妻

段氏 李兆蘭之妻

孟氏

生員王經世之母

李氏

生員郭基陞之妻

呂氏

生員李九齡之妻

白氏

副貢生侯德讓之妻

武氏

范尊光之妻

白氏

王屏之妻

郭氏

生員孟鑣之妻

杜氏

郭崇之妻

陳氏

監生賀祚章之妻

馮氏

武俊列之妻

劉氏 監生武瑁玉之妻

武氏 權家駿之妻

麻氏 監生張泰恒之妻道光十四年 旌

文氏 武生潘步蟾妻二十五歲守節七十五歲卒

韓氏 梁允中之妻二十二歲守節

姜氏 郭煒如之妻二十歲夫故遺子甫三歲家貧紡績度日撫子成立孀居六十餘年

李氏 武景望妻二十八歲夫故遺三子翁老且病轉側須人氏矢志愈堅上侍翁病有逾孝子衣服

被褥稍沾污穢必親澣濯俛食器具必潔始進十二年如一日族里皆稱道之撫三子教以耕讀皆

成立長宏源次宏功三宏毅宏功宏毅之後多科甲氏享年八十餘歲人皆以爲節孝之報云乾隆

十五年 旌表建坊馬村

成氏

武生張太極側室二十九歲夫故守節義方教子至於成立

武氏

監生王慶隆妻二十八歲夫故遺子尙在襁褓氏撫子持家劬苦備至

穆氏

邢海明妻二十七歲夫故矢志撫幼至於成立

于氏

傅作霖妻二十一歲夫故奉事衰姑無虧孝養持家必儉教子維嚴

郭氏

趙常妻二十三歲夫故孀姑在堂遺孤在抱困苦辛勤不易其志

劉氏

文德綱妻二十七歲夫故遺三子俱幼撫養成立苦節終身

孟氏

趙承統妻二十三歲夫故事姑至孝教子有方

鄭氏

胡坤妻二十九歲夫故艱難拮据祭葬盡禮男女婚嫁俱不失時

馬氏

武可法妻二十九歲夫故持家教子得延宗緒

霍氏

武天順妻二十五歲夫故遺子三月翁姑繼亡喪葬盡禮

王氏

王玉梁妻二十九歲夫故守節

王氏

馬玉元妻三十歲夫故堅貞自矢守節五十九年

文氏

李毓林妻十八歲夫故無子姑命以姪爲嗣紡績奉親姑歿不以貧苦廢禮

馬氏

樊德雲妻二十九歲夫故儉以持家嚴以教子

郭氏

侯鎮越妻二十六歲夫故奉孀姑得其歡心撫幼子至於成立

李氏

竇泰妻二十九歲夫故事孀姑育幼子克盡婦道

郭氏

庠生賈權妻二十九歲夫故事姑教子克盡婦道

武氏

門崇基妻二十三歲夫故家貧無子紡績度日苦節不渝

武氏

成其麟妻三十歲夫故家貧守節堅貞自矢

韓氏

田敦妻三十六歲夫故親老子幼仰事俯育始終不二

王氏

安思昌妻二十二歲夫故事姑教子守節不渝

成氏

楊廣元妻二十七歲夫故子女俱幼貧乏異常茹苦含辛勤儉自矢家道克成

馬氏

武顯周妻三十歲夫故子幼紡績持家詩書教子

段氏

趙坦妻二十二歲夫故無子奉翁姑命以姪爲嗣事老撫幼閭里稱賢

劉氏

郭光昌妻二十二歲夫故儉以持家嚴以教子子能成立家亦小康

潘氏

庠生武開封妻二十八歲夫故守節矢志靡他

賀氏

庠生張鳴珮妻二十六歲夫故無子翁姑繼逝以姪爲嗣葬親以禮育子以慈

梁氏

成敬訓妻二十四歲夫故矢志柏舟苦節自勵

宋氏

馬凌霄妻二十三歲夫故持家勤儉淡泊自甘

孔氏

從九品王太和繼妻二十八歲夫故守節

郝氏

任德裕妻二十九歲夫故孝事孀姑喪葬以禮

馬氏

張義峯妻十九歲夫故教育子女家政肅然

張氏

岳信妻二十二歲夫故事翁姑撫孤子克盡婦道

張氏

蔚文元妻十九歲夫故姑老子幼事親以孝訓子有方賢聞閭里

秦氏

蘇元魁妻二十八歲夫故子幼教育有方賴以成立

李氏

潘允中妻十九歲夫故奉侍翁姑教育幼子守節終身

郭氏

潘鳳儀妻二十四歲夫故守節持家勤儉

高氏

王順妻二十九歲夫故家貧守節

韓氏

王文光妻二十九歲夫故教子以嚴至於成立

張氏

從九品邢之元側室二十八歲夫故無子繼姪為嗣深明大義

韓氏 邢昌妻二十八歲夫故持家勤儉撫孤成立

張氏 張必選妻二十九歲夫故守節

杜氏 韓自成妻二十歲夫故守節撫養幼子

左氏 王鋒妻二十一歲夫故勤儉持家教子成立

張氏 武維綬妻三十歲夫故衰姑在堂一子尙幼養親撫孤各盡其道

梁氏 王連樞妻二十七歲夫故侍奉病姑色養無虧撫育嗣子至於成立

姜氏 武懷琮妻十八歲夫故翁姑俱存奉養不衰

張氏 趙敏中妻二十七歲夫故守節

魏氏 張廷璜繼妻二十五歲夫故守節終身

李氏 閻爲桓妻二十九歲夫故守節四十餘年

武氏 向忠妻二十九歲夫故家貧姑老子幼奉事撫育無虧婦道

郭氏 王林光妻十九歲夫故守節勤於紡績

趙氏 王銳妻二十一歲夫故遺孤撫養至於成立

戴氏 韓喜妻二十一歲夫故守節持家教子儉而能勤

王氏 李得雨妻二十歲夫故守節撫子成立

王氏 賀鷹揚妻二十一歲夫故紡績自食苦節維貞

武氏 侯養明妻二十八歲時夫疾革告曰葬雙親撫遺孤皆泣應之夫歿終身恪守遺言

李氏 侯安邦妻二十九歲夫故一子尚幼守節撫孤

李氏 石象城妻二十一歲夫故守節撫孤

康氏 趙進元妻二十八歲夫故守節撫孤

劉氏

監生郭旌來妻二十九歲夫故養親教子守節不回

李氏

張立成妻二十八歲夫故守節撫子

張氏

生員王鎔妻二十八歲夫故孝以事親嚴以訓子

趙氏

米春和妻二十九歲夫故家貧苦守四十餘年

武氏

張光裕妻二十歲夫故子在襁褓撫孤成立

郭氏

高珍妻三十歲夫故守節

溫氏

嚴孟彪繼妻二十八歲夫故閉戶靜居節操自峻

武氏

舉人郭溫側室二十九歲夫故清白自守深明大義

王氏

蘇東晉妻三十歲夫故守節四十餘年

高氏

王成名妻二十五歲夫故守節撫孤

宋氏

韓廣義妻二十九歲夫故守節四十年撫子成立家亦小康

武氏

趙日肅妻二十六歲夫故守節教子成立

梁氏

鄭國勳妻二十八歲夫故孝養翁姑

齊氏

郭宜民妻二十六歲夫故事姑克孝教子有方

麻氏

趙錫純妻二十八歲夫故克勤克儉始終如一

岳氏

程世泰妻二十八歲夫故守節四十年

田氏

李錦隆妻二十一歲夫故翁姑俱老持家勤儉

吳氏

閻國瑛妻二十二歲夫故守節

韓氏

安爾位妻二十九歲夫故家貧守節

閻氏

田餘九妻二十九歲夫故守節四十餘年子孫林立家亦小康

權氏

武良樹妻二十二歲夫故守節

梁氏

修職郎賀治平妻二十八歲夫故守節

武氏

楊光漢妻二十六歲夫故守節言笑不苟

武氏

介賓向善世側室二十八歲夫故守節

李氏

岳元勇妻二十歲夫故守節撫孤

張氏

成復普妻二十二歲夫故事老撫幼守節終身

李氏

劉雄妻二十九歲夫故守節教子持家人樂道

梁氏

柳公智妻二十一歲夫故守節

向氏

周應密妻二十七歲夫故守節

賀氏

武九文妻十九歲夫故守節四十餘年

田氏

閔兆捷繼妻二十七歲夫故守節

武氏

貢生翟惺繼妻二十七歲夫故守節撫孤

李氏

成富周妻二十九歲夫故事親教子曲盡其道

何氏

邢侯晉妻二十六歲夫故守節

武氏

任登顯妻二十九歲夫故遺子二撫育成立

張氏

韓開德妻二十四歲夫故翁姑俱存生事葬祭皆能以禮撫孤成立

武氏

岳文琳繼妻三十歲夫故事衰姑撫幼子勤苦不辭

靳氏

趙錫嘏側室二十五歲夫故一子尙幼教養成立

孫氏

賀汝訓妻二十二歲夫故家貧子幼勤以持家嚴以教子

劉氏

張德如妻二十九歲夫故依姪爲生守節四十餘年

運氏 張步辰妻二十歲夫故清潔自守以姪為嗣

張氏 孟承恩妻二十一歲夫故守節四十餘年

王氏 周應棟妻二十七歲夫故守節

孟氏 侯颺言妻二十六歲夫故守節奉侍翁姑能孝

梁氏 侯雲章妻三十歲夫故守節撫孤

霍氏 喬光清繼室二十三歲夫故家貧守節以子奪元未入流銜馳封儒人

文氏 佾生賀鴻達繼妻二十七歲守節事病姑克孝

王氏 監生賀永福繼室二十九歲夫故事孀姑以孝撫幼子以義

李氏 程大有妻二十六歲夫故事奉翁姑撫育幼子守節三十餘年

成氏 馬鳴山妻二十七歲夫故奉侍衰姑以孝撫育幼子成立

郭氏 劉天助妻二十八歲夫故守節

張氏 王廷杖妻二十八歲夫故家貧子幼守節不易

孟氏 武生王用中妻二十九歲夫故事親撫子孝慈兼盡

汪氏 王汝楫妻二十一歲夫故事姑撫子堅貞自矢

姜氏 康運鎬妻二十四歲夫故守節六十餘年

劉氏 張國智妻二十三歲夫故事姑撫幼克孝克慈

吳氏 太學生武繼先妻三十歲夫故撫子守節

武氏 監生孟士毅妻二十九歲夫故家貧紡績自守

唐氏 梁起鵬妻二十六歲夫故事親教子明於大義

孔氏 王錦治妻二十七歲夫故守節

張氏

李元善妻十九歲夫故家貧紡績自守

周氏

王正瑾妻二十六歲夫故子甫三歲撫子自守

李氏

趙廷相妻三十歲守節

田氏

郭永讓妻二十八歲夫故守節四十餘年

張氏

武啟吉繼妻二十八歲守節撫孤成立

李氏

張永貞之妻

武氏

趙履琳之妻

楊氏

李御遴之妻

韓氏

生員李宜春之妻

岳氏

郭鴻翔之妻

李氏 李仁舒之妻

孔氏 王步元之妻

弓氏 潘沉之妻

趙氏 王琇璫之妻

文氏 侯占魁之妻

以上皆係已旌

唐氏 郭全印妻二十八歲夫故守節二十七年卒

郝氏 李長安妻二十四歲夫故守節三十三年卒

何氏 李作植妻十九歲夫故守節四十年卒

賀氏 潘學灝妻十九歲夫故現守節四十五年

程氏 韓不德妻二十九歲夫故現守節三十二年

王氏 陳來登妻二十七歲夫故現守節四十七年

段氏 武開周妻二十四歲夫故現守節四十年

李氏 胡守虞妻二十九歲夫故當夫病時嘗祈禱神明願以身代夫歿絕米數日現守節三十九年

李氏 韓澤宏妻二十歲夫故現守節三十九年

田氏 任安人妻二十六歲夫故守節三十二年卒

侯氏 武照元妻二十五歲夫故現守節三十五年

劉氏 馮玉程妻二十四歲夫故現守節三十九年

趙氏 王九如繼妻二十九歲夫故現守節三十一年

侯氏 梁增蘭妻二十六歲夫故

李氏 許成妻二十七歲夫故現守節五十五年

曹氏 韓錫勇妻二十六歲夫故現守節四十六年

王氏 趙元貫妻二十一歲夫故現守節四十四年

袁氏 王宸繼妻二十歲夫故現守節四十一年

岳氏 郭宗德妻二十三歲夫故守節四十年卒

程氏 成玉璽妻二十九歲夫故現守節三十二年

成氏 李懷珍妻二十八歲夫故守節三十二年卒

孔氏 郭永泰繼妻二十四歲夫故現守節三十三年

吳氏 梁大恒妻二十八歲夫故守節四十五年卒

權氏 胡懋積妻二十九歲夫故現守節四十三年

郭氏

胡三正繼妻二十九歲夫故現守節三十二年

丁氏

胡茂仁妻二十八歲夫故現守節四十八年

陳氏

胡珮琬妻二十六歲夫故守節五十年卒

霍氏

從九李琅妻二十九歲夫故守節二十三年卒

郝氏

武解元賀鵬儀妻二十九歲夫故現守節三十五年

胡氏

武生賀兆龍妻二十八歲夫故現守節三十三年

孔氏

馬爾光妻二十五歲夫故子全陞甫周歲夫卽死於外紡績度日教養成立後全陞又死於外媳乃

蘓家貧氏欲死族人憐其苦因以老塋地任氏耕

耘氏乃得全命焉現守節三十二年

丁氏

張秉謙妻二十七歲夫故守節四十七年卒

劉氏

王方來妻二十九歲夫故守節四十八年卒

王氏 馮安道妻二十七歲夫故現守節三十三年

韓氏 馮可仕側室二十歲夫故守節三十年卒

王氏 馬介英妻二十九歲夫故守節二十年卒

李氏 馬躍溪妻二十八歲夫故現守節三十四年

王氏 張占鰲妻二十一歲夫故現守節三十一年

李氏 張耀先妻二十六歲夫故現守節三十四年

郭氏 李昌泰妻二十七歲夫故守節五十二年卒

席氏 任光輝妻二十二歲夫故現守節三十二年

趙氏 從九劉汝臨妻二十九歲夫故現守節四十一年

翟氏 監生劉履祥妻二十七歲夫故現守節三十五年

吳氏

閻占魁妻二十二歲夫故現守節四十三年

趙氏

閻國恒妻二十三歲夫故現守節五十五年

蔚氏

趙聞泰妻二十七歲夫故守節四十六年卒

任氏

康萬清妻二十九歲夫故守節二十九年卒

韓氏

閻壽陶妻二十歲夫故現守節三十年

趙氏

李明元妻二十歲夫故撫孤子甫半歲氏撤其環

趙氏

鈿憑績紡以養衰翁守節二十八年而卒
生員王棟妻二十九歲夫故現守節三十三年

周氏

張發祿妻二十七歲夫故現守節三十五年

王氏

李成章妻一十八歲夫故現守節三十四年

麻氏

劉鑑妻年二十歲夫故事舅姑暨祖姑前後三十

年竭精奉養最能得祖母歡心故氏祖姑年臻耄

耄無疾而終僉謂賴孫媳之奉養云

康氏 賀德慶妻二十一歲夫故現守節五十三年

阮氏 賀思明妻二十七歲夫故現守節四十七年

李氏 賀地平側室二十六歲夫故現守節四十三年

任氏 賀道中側室二十三歲夫故現守節四十年

解氏 楊九治妻二十六歲夫故現守節四十三年

王氏 賀鵬翮妻二十五歲夫故六十七歲卒

閻氏 賀鵬飛妻二十八歲夫故現守節四十二年

孔氏 楊克明妻二十二歲夫故六十七歲卒

郭氏 楊作楫妻二十八歲夫故七十八卒

張氏 楊春暢妻二十一歲夫故六十七歲卒

宋氏 貢生賀鵬翀妻二十九歲夫故六十六歲卒

梁氏 賀鵬達妻二十六歲夫故六十四歲卒

張氏 黃福壽妻二十九歲夫故子女無出守節四十二年

解氏 馬萬全妻二十九歲夫故現守節五十三年

高氏 馬思鱗妻二十五歲夫故六十一歲卒

賀氏 吳爾光妻二十七歲夫故六十四歲卒

傅氏 吳增喜妻二十四歲夫故六十二歲卒

郭氏 李光春妻二十八歲夫故現守節三十二年

段氏 王富春妻二十七歲夫故子女無出勤苦度日守節三十二年

王氏

白聚奎妻二十三歲夫故現守節三十二年

胡氏

王世凝妻二十二歲夫故七十三歲卒

張氏

王有成妻一十九歲夫故子映中甫三歲氏教養成立娶婦段氏映中又歿姑息俱寡七十八歲卒

段氏

王映中妻二十九歲夫故孀姑張氏在堂氏勵志水霜得步前徽兩寡相依毫無間言人稱爲一門雙節現守節三十二年

閻氏

段昌蘭妻二十八歲夫故現守節三十五年

賈氏

王廷琅妻二十一歲夫故子女無出撫姪爲嗣五十六歲卒

郭氏

王士良妻二十七歲夫故現守節三十七年

文氏

白鴻吉妻二十八歲夫故現守節四十五年

武氏

侯正明妻二十九歲夫故現守節四十五年

胡氏 李際虞妻二十八歲夫故現守節三十二年

董氏 蔚秉倫妻二十四歲夫故五十四歲卒

梁氏 千總王樽妻二十五歲夫故現守節三十八年

高氏 武清元妻二十五歲夫故七十四歲卒

趙氏 范統正妻二十八歲夫故現守節五十年

李氏 任中光側室二十七歲夫故現守節三十六年

孟氏 梁守仁妻二十五歲夫故現守節三十六年

王氏 武德容妻二十歲夫故現守節六十三年

任氏 監生張爾燦妻三十歲夫故子女無出撫姪斐洪
為嗣六十一歲卒

武氏 張鶴烈妻二十八歲夫故現守節五十四年

楊氏 武泰來妻二十八歲夫故六十三歲卒

章氏 張建綱妻二十六歲夫故現守節三十五年

趙氏 任泰測室二十八歲夫故現守節四十八年

章氏 張安坦妻一十八歲夫故子開銓甫彌月氏勵志守節撫子成立六十九歲卒

曹氏 武達璋妻夫有瘋症喜怒不時氏極力事奉嘗得夫歡心相處二十餘年卒無怨言夫先氏卒氏亦十二歲卒

王氏 張世吉妻二十歲夫故七十七歲卒

田氏 王永安妻二十一歲夫故家貧姑老鄉里有憐其苦而餽送者且御之不受惟憑鍼指度日而已七十三歲卒

張氏 朱趙英妻二十八歲夫故現守節三十六年

原氏

侯樹茂妻二十歲夫故現守節三十八年

郭氏

賀文成妻二十五歲夫故現守節三十七年

武氏

賀桐封妻三十歲夫故現守節三十四年

章氏

張安成妻二十四歲夫故七十一歲卒

張氏

石士傑妻二十五歲夫故七十歲卒

李氏

郭琇妻二十三歲夫故七十九歲卒

鄭氏

吳其樂妻二十九歲夫故七十二歲卒

杜氏

霍清遠妻二十五歲夫故七十五歲卒

閻氏

王鳳岐妻二十五歲夫故六十五歲卒

原氏

王全有妻三十歲夫故現守節五十二年

張氏 韓震妻三十歲夫故現守節五十三年

趙氏 武亮妻二十九歲夫故現年八十七歲

周氏 李保成妻二十五歲夫故六十一歲卒

梁氏 舉人子質敏妻二十九歲夫故現年九十五歲

王氏 生員孟儒敏妻二十五歲夫故現守節二十八年

孫氏 王珍妻二十九歲守節六十七歲卒

孫氏 蘇士漢妻二十八歲守節家貧無子備歷艱辛現年七十八歲上二氏皆係克儉之女

孫氏 梁載高妻二十八歲守節四十四歲卒

劉氏 張開鉅妻二十二歲夫故守節四十九年卒

以上俱係待旌

孝婦

趙氏

原東都趙金裕之女十七歲適原西都霍永年爲妻永年隨父生理他鄉其母善病夙患盲動靜須

人氏事之惟謹曲盡婦道一切飲饌櫛盥以及便溺頭穢之事必以躬親不令家人代母嘗詒永年曰新婦孝無我虞也後母目未愈又患疽轉側呻嘶痛不可忍氏爲吮潰敷藥勢減而痛轉增乃於夜半呼天泣訴引翦刀自刺其股冀分姑痛僮僕見之者無不涕下母享壽七旬有三統計前後在牀蓐者二十餘年氏事之如一日焉氏現年六十五歲子二俱成立

節婦

光緒十三年補遺

劉氏

杭城村姚大忠妻十九歲夫故遺子一歲氏事姑盡孝勤儉持家義方訓子堅志守節四十九年子

元柱年五十歲孫二長三聘次三多曾孫一氏年六十八歲間里以賢稱人無間言於同治十二年奉

旨旌表節孝